

四庫全書

史部

欽定四庫全書

史部

陝西通志卷十二

詳校官給事中臣李臺

檢討臣德生覆勘

總校官降調編修臣倉聖脉

校對官中書臣溫汝适

謄錄監生臣李逢堯

欽定四庫全書

陝西通志卷十二

山川五

興安州

商州

同州

興安州

牛頭山

即牛頭山

在州北九十里

冊州

西城縣有牛山

唐書地理志

西城故城在州西北

牛山為州境羣山之冠上有泉不涸不溢

禱雨輒應

興地紀勝

黃巢谷在金州牛山

雍大記

金州即今州治牛

頭山綿亘百餘里高入雲漢有金牛洞即昔人掘劍

刺黃腰獸處又其巔有五砮山峰巒錯互又有蠟燭

山青翠挿天以形似名

州志  
砮音洛

九里岡

在州北五十里石磴峻增陡峻難上神灘河

經其陽琉璃河經其陰為長安孔道

州志

睇陽嶺

在州北百里其山高峻日出先及故名麻坪

河經其陽洵河經其陰山麓有石砦名轆轤杞

州志

三教山

在州北百二十里山甚高有二龍湫相傳為

南嶽禪師道場二龍得度報以甘泉其傍有喬松二



龍所遊戲繞三匝而上舊痕宛然歲旱禱雨於此又

州北百三十里為觀音山

州志

王莽山 在州北三百里莽嘗遣兵戍守於此傳家河  
之水出焉山傍有樹高數仞其陰四蔽而空其中名  
重陽樹又王莽山西為燕子嶺接鎮安界又燕子嶺  
東為二郎山四面險峻其頂平坦可屯數千人泉流  
皆瀑布林木翳翳人跡罕至過此則為鎮安之下茅  
坪矣

州志

劇盜淡文省據燕子嶺距邑二百八十里

明劉

閣香溪

洞記

心山

在州西北五里又相近有梅花山首枕漢江是

為姚墟

州志

漢陽厥守漢中棄官修仙於此

明劉閣記

陽一作

楊

長鎗嶺

在州西北十五里又折弓埡在州西北五十

里相傳有將軍戰沒於此失其姓名土人祠之

州志

鯉魚山

在州西四十里山上有泉舊時泉內有二鯉

魚禱雨多應今泉涸其相近有赤崩灣宋將楊大勲

死節處

州志

州西三十里地名秦郊渡月河約二里有

山最高曰鯉魚山與漢陰鳳凰山相連以鳳凰為頭

鯉魚為尾共一百二十里

輿地紀勝

三條嶺

在州西六十里明末寇亂鄖將黃元吉死處

又州西六十五里曰擂鼓臺土阜歸然亦古戰場也

州志

鳳凰山

在州西七十里懸聳萬仞冠絕羣山

雍勝畧 山

西阻池河北阻越河東南阻漢亘二百五十里跨興

漢石紫四郡縣地又天馬山在州西九十里亦鳳凰山之支也越河經其下其相近有越嶺與天馬山對峙設有越嶺關與漢陰接界又小埡子在州西百二

十里兩山壁立中通一路如線

州志

七寶山 在州西百五十里接紫陽界

州志

西城山 在州西南五里古縣治建其下今有三石塔

存其相近又有藥王山以祠祀孫真人而名

州志按寰宇

記西城故城在漢江北  
西城山東興州志不合

魏山

在州西南九里

元和志

心山二里至魏山三面險

絕惟北小徑可捫葛而升晉吉挹督護梁州秦韋鍾  
來寇挹嬰壘急口岐山固守三年不可下即茲山也

明劉閻

牛山記

天柱山

一名砦  
子山

在州西南四十里一名砦子山高險壁

立其下有碧瑱洞今封閉

州冊

郎家山

在州西南八十里

州志

馬蝗山

在州西南九十里香河水經此

州志

南宮觀山 在州西南百五十里石笋凌空四壁如削

嵐河水經其下砰礚如雷不通舟楫

州志

趙臺山 在州南二里梁時漢水泛溢人皆走避此山

元和志

州南三里曰歡喜嶺山色皆赭有巨冢名太子

墳俗傳為堯第九子無所考昔有牧兒陷入見殿廷

儼然皆上古時物以土封之後遂失其處

州志

玉屏山 在州南五里山多青白堊香溪水出此其相

近又有尖峰山

州志

文筆山 在州南七里其相近有香溪洞

州

平利縣北

數十里有香溪柴扉洞

興地紀勝

自魏山又三里度香溪

溝入崇山中有石洞相傳呂洞賓郭尚竈傳道茲洞

洞前有石棋枰及子人不敢取尚書胡濙有詩鑱石

壁

明劉閻香溪洞記

出郭循溪而南度仙關折而南為純陽

洞又南為八仙洞又西為三茅洞亦名凌霄洞與純

陽洞隔溪相望橋上有玉皇閣相傳即呂郭棲息處

又相近有龍門谷谷有龍門洞洞有三泉旱禱輒應

州志

五峰山

在州南五十里五峯聳秀為州勝槩

州志

牛蹄嶺

在州東南十五里路極險峻黃洋河經其下

州志

老君山

在州東三十里其相近有古廟嶺磨溝水所

出又州東四十里有高洞山又州東四十五里有青

碌山有石洞十二處

州志

高王山

王一作望

在州東六十里迤出衆山有高王祠又歪

頭山在州東八十里

州志

鵲嶺

在州東接上津縣界地極險要

雅勝畧



白雲山 在州東北五里白雲之泉出焉一名卓錫泉

相傳為南岳懷讓禪師卓錫得泉處又大團山小團

山俱在州東北十里

州志

龍王山 在州東北三十里上有龍湫大旱不涸其相

近有老樹嘴相傳昔山有豫章樹因以是名北望終

南南望吉陽諸山簇簇如畫

州志

將軍山 在州東北四十里相傳舊有將軍戰歿故名

山後有石洞內藏鐵盔甲不知所自人不敢近

賈其志

相近有古墓嶺

州志

附考金川縣有焦陵山

隋書地理志

西城縣有伏羲山

寰宇記

按金川西城俱屬州境山無考又按路史注伏羲山在西城女媧山在平利與伏羲山接則山當在州東南近平利界疑即今之高王山也

漢水 在州城北一里自紫陽界入境又東入洵陽界

州圖

漢水自逕魚脯溪口又東過西城縣南又東逕鼈

池鯨灘又東逕嵐谷北口又東右得大勢左對月谷

口又東逕西城縣故城南又東為鱣湍

水經注

漢水去

州城百步

元和志

漢江自樓子灘入州境又東為月池

灘在州西南百六十里又東三十五里為馬尿灘又東五里受道河之水為思灘又東三十里為高洋灘低洋灘又東十里受蒿坪河五堰河溜水河嵐河之水為三堆灘又東五里為織女灘又東五里為串灘又東四十五里為麴灘又東二十里受吉河月河之水為月河灘又逕州城下為州身灘又東去州十里為立石灘又東二里為下立石灘又東三十里受神

灘河水為神灘又東五里為二郎灘又東七十里為  
洵陽界諸灘之中麤灘串灘二郎灘為險而神灘尤  
甚明成化間知州鄭福於沅冬時用火燒石䟽鑿以  
殺其勢舟行利焉又江中有安康石因郡得名常隱  
不見見則歲饑又有美女石亦在石泉壩漢水北岸

州志 詳

見圖考

大道河 在州西南二百二十里又小道河在州西南

百八十里源俱出界嶺各東北流入於漢

州冊

萬坪河

在州西百十里

州冊

源出鳳皇山自紫陽界來

西南流入於漢

州志

五堰河

在州西九十里

州圖

源出鳳皇山老龍池西南

流入於漢

州志

溜水河源出羅圈崖其水合於五堰河

州冊

易家河

在州西南七十五里源出王家山南流四十

五里入漢

州冊

嵐河

在州西南七十里

雍勝略

漢水東逕嵐谷北口嶂

遠溪深澗峽嶮邃氣蕭蕭以瑟瑟風颭颭而颭颭故

川谷擅其目

水經注

源發四川太平縣界逕平利縣流

入州境入漢江

州舊志

源出化龍山東流七百餘里中

有仙人碓巨靈跡鎖龍椿諸勝至石泉壩南北流入

漢

州志

香河水在州西南九十里逕馬蝗山入嵐河

州冊

吉河

吉一作急

急河在州西南十五里源出平利縣界東北

流入漢江亦謂之吉河

漢中府志

漢水右得大勢勢岨急

溪故亦曰急勢

水經注

西城縣有吉水

九域志

吉河自界

嶺來西北流入於漢

州志 按急勢城即晉梁州督護吉挹所治則吉河或亦因吉

挹而名也

月河

一作越

在州西七里自漢陰縣流入又東南入漢

州冊

漢水左對月谷口山有坂月川于中黃壤沃衍

水經注

越河出鳳凰山東流至漢陰受添水河水過越嶺關受白魚溝水又受恒河水昔逕赤崩灣過牛山之麓明末洪水南徙沙礫皆為沃壤是為截河又東受傳家河水又東流入於漢水口甚狹僅可容舟其恒河

在州西北七十里一名衡河源出牛頭山亦自漢陰  
界來曲折南行林莽之中三百餘里南流入月河又  
有黑水河在州西北二百里東南流入恒河其傳家  
河在州北二十五里源出王莽山南流入越河

州志

黃洋河

在州東南五里

州圖

源發平利縣境化龍山北

流入於漢又陳家溝在州南二里故道由新治內因  
建新城導流東門外夏秋水漲則循城北遶而西流  
與施家溝水會逕舊城西南隅折而東過會源橋出



閘口入黃洋河每歲五六月水潦暴至則損傷禾稼

直衝郡城郡人苦之

州志

黃洋河源發平利界之石梁

山東流入州界逕狗脊關流七十五里入漢

州志

神灘河

在州東北八十里源出牛山東南流入於漢

州志

自夏家埡流來合琉璃溝水入漢

州志

黑龍泉

在州西北八十里桑溪村禱雨有應

州志

小絲泉

在州西八里泉派如絲其出不竭

州志

三泉

在州南五十里龍門谷中禱雨有應

州志

金泉

一名金井泉

在州治東

賈志

子城東之井也取金生水之

義

興地紀勝

在州東二里白龍隄金華寺其深四丈水甚

甘冽

州志

平利縣

女媧山

在縣東三十里灌溪源出于此

賈志

平利縣有

女媧山

唐書地理志

西城縣有女媧山

九域志今屬興安州

西城

岡

巖起伏蜿蜒四十餘里晉桓溫伐秦其將司馬勛為

苻雄所敗退屯女媧堡即此

縣志

錦屏山 在縣城南又觀山在縣城西山勢起伏屹然  
為縣治水口中有元天觀一名元天觀岡又龍山在

縣城北縣治倚此

縣志

光頭山 在縣北三十里又高望山在縣北四十里孤  
峰突聳山頂有雲必雨人以為候接興安州界

縣志

馬鞍山 在縣西三十里

縣志

蟠冢山 在縣西四十里又相近有風洞深不可測四

時有風從穴中出

賈志

羌之蟠冢辨見後

狗脊嶺 在縣西五十里接本州界

縣志

石梁山 在縣西南百二十里

縣志

九股坪在縣西南四

百里中有平地一區東臨嶺崖西接屬境昔流賊嘯

聚於此

縣志

化龍山 在縣南二百里上有九臺十三灣多奇鳥怪

獸

賈志

花池山 在縣南三百里由化龍山脊百二十里通花

池山由花池山脊百七十里通四川太平大寧等處

叢林密箐絕少居人又鎮坪在縣南五百十里接四

川界

縣冊

藥婦山

在縣東南百里

縣志

昔有夫婦攜子入山其父

落崖妻子搗藥救之尋俱化為三石人山頂藥臼尚

存

周地圖記

秋山

在縣東南百九十里通四川路山頂上下四十

里林木蔽日四時凝雪不消中有一碗泉隨飲隨溢

縣志

松子山 在縣東六十里山甚高峻其上有池名天心

水又相近有馬鬃嶺以形似名有洞曰羅圈洞

縣志

八里岡

一名花栗岡

在縣東九十里岡東西凡八里俗名花

栗岡其地山環若城水遶如帶明嘉靖初縣被水灾

議徙治于此居民重遷事遂寢

縣志

筆架山 在縣東百五十里其相近有白土關垵

縣志

了角山 在縣東北百里兩峰並峙形如了角接洵陽

縣界

縣志

大頂山 在縣東北百六十里接湖廣竹溪縣界

縣志

嵐河 在縣西南百五十里源出四川太平縣界北流

至州界入漢江又有牙河在縣西南二百五十里東

通金毛關南通鎮坪其水北流入嵐河

縣志

黃洋河 在縣西南三十里源出風線口西北流入州

境注漢江又灌溪河在縣南二十步源出女媧山西

北流合黃洋河又有月溪河在縣北十五步源出高

王山南流西折遶縣城而會於灌溪河水勢環曲如

月故名或曰即寰宇記所謂聲水

縣志

沖河

一名界溪河  
一名壩河

在縣東南百十里一名界溪河又至

白土營名壩河自湖廣竹谿縣流入縣境又流經洵

陽界合于閭河又秋河在縣東南百八十里源出四

川大寧縣界北流入于沖河又松杉河在縣東百六

十里源出武陵關流入秋河又太平河在縣東南百

三十里源出秋山其水合于秋河又石牛河在縣東

南百三十里亦自竹谿縣流入合于沖河又連仙河



在縣東百六十里源出竹谿縣大頂山亦南流合于

沖河

縣志

南江河

在縣東南二百五十里與大寧縣接界其上

源曰小源溪母豬峽東北流逕縣境又東入湖廣竹

山界

縣志

龍潭

在縣東六十里濶四丈其深莫測遇旱禱雨輒

應

賈志

馬池水

在縣西四十里源出礪冢山下之神馬淵與

西縣水會

賈志

按水經注

西縣嶠冢山西漢水所導西流與馬池水合水出上邽西南謂之

龍淵水龍馬所生又謂之馬池川此西縣在今秦州去平利甚遠賈志殆以嶠冢之名而誤也疑所云嶠

冢山亦涉附會特存其說附辨于此

天池

在縣文廟後池水積徹大旱不涸

州志

秀泉在文

廟前

賈志

清平泉

在縣治前其水至清居人飲之不生癭瘤

賈志

洵陽縣

黃杼嶺

杼落胡切黃杼木名可染

在縣西三里上通黑山之嶺為邑

主山又駱駝山在縣西百二十步東枕縣治西接羣

山以形似駱駝之項故名

縣志

臨崖山 在縣東一里峰巒環擁南枕漢江北控鵲嶺

上有寺又觀音洞在縣治北祈禱有應

縣志

羊山 在縣北四十里

賈志

即終南之支也連絡千里相

傳為福地修仙之所絕頂西接商鎮南瞰漢江人跡

罕到有鐵釜一口可容水數石内生松一株大數十

圍世傳張良辟穀于此觀址鐘鼎尚存山下有仙花

洞在縣北八十里洞極宏敞上有花藻如雕刻下有  
泉寒冽異常又有谷粟洞一云谷壘洞在縣西北百  
里內有龍湫知縣羅熙禱而得雨為文祭之

縣志

仙姑碕 在縣北百三十里有碕路至金坪俗傳為仙

姑所修故名

縣志

西北山 在縣北百五十里

縣志

盱陽嶺

陽一作羊又  
名楊家嶺

在縣西北九十里東臨洵河西接

本州界又名楊家嶺

縣志

合抱嶺

在縣西北百里以山水環抱故名

縣志

青山 在縣西五十八里東北枕漢江西南接本州界

其下有洞產碧瑱石今封閉

縣志

留亭山

在縣南二里

縣志

行人愛其秀拔多留停縱覽

因名

寰宇記

谷山 在縣南十里歲旱禱雨多應

縣志

馬鞍山 在縣南五十里以形似名其相近有尖朶山

又有鏡石崖懸如削光耀奪目數里之內物象悉照

縣志

將軍山 在縣南六十里又風洞在縣南八十里洞中

有大風極寒人不可當

縣志

女華山 在縣南百二十里山極高峻林木翳翳山腰有洞入洞口二里許皆沙河洞中雲出必雨人以為

候

縣志

連尖山

即連嶺山

在縣南百五十里山極高峻以三峯尖聳

並峙而名深奧險僻俗傳為普庵道場舊名連嶺山

縣志

紫荊山

在縣東南五十里有洞深可五六里號仙洞

山後有石池池傍有石蓮花

輿地紀勝

觀音崖

在縣東八里下瞰漢江多石穴

縣志

神仙洞

在縣東七十里

縣志

內有生成石蓮花十九朶

石獅子一洞門鐫紫蓋神仙洞天六字

名山記

洞門高

一丈七尺深不可測有古碑剝落鄉民祈雨輒應又

黑龍洞在縣東百里旱禱亦多應

縣志

禹穴 在縣東百三十里穴傍鐫禹穴二字有古碑剥

落相傳禹導漾時經此

雍勝畧

浮雲山 在縣東百五十里其峰高聳上有迴龍觀南

臨漢水北接羣山抵商州界

縣志

當門山 在縣東百七十里兩峰相對望之如門

輿地紀勝

硃砂洞 在縣東二百四十里今封閉

縣志

龍山 在縣東北百二十里山有靈泉旱禱即應

輿地紀勝

水銀山 在縣東北百四十里南臨蜀河北連鵲嶺有



硃砂水銀洞三處

縣志

碧瑱山 在縣東北百五十里有碧瑱洞今封閉其相

近有鵲嶺又相近有穿崖其高千仞崖中一竅南北

相通可三里許

縣志

附考 縣北有懸書崖高五十丈刻石作字今人不能上

不知所道山下石壇上有馬跡五所名曰馬跡山

水經

注 縣有麻嶺山金州山

九域志 按此三山今俱無考

漢水 在縣南百十步自本州界流入又東入白河界

賈志漢水自鱣湍又東合旬水又東逕木蘭塞南又東

左得育溪又東得甲水口

水經注

漢水在廢涑陽縣城

南東流

寰宇記  
故城在縣東

涑陽

涑陽縣有漢江

九域志

漢江在

縣南門外至縣東三十里為構園沱夏秋水漲舟行

甚艱又至縣東百五十里有仙灘又東三十里有藍

灘亂石縱橫怒濤洶湧為舟楫患

縣志詳見圖考

閭河

閭一作驢一名潤水一名閭谷水

在縣西二十五里源自平利縣

來北流入漢

雍州志

澗水在縣西二十七里一名閭谷水

北注於漢其閭字亦為驢字

寰宇記

平頂河在縣西

南二十五里源出神仙洞西北流入閭河

漢中府志

閭河

源出連尖山金河神河壩河平頂河之水皆會焉北

流入漢

縣志

閭河從竹溪平利界來逕青山觀入縣境

北流一百四十里入漢江又金河在縣南七十里源

出歪頭山西流六十里入閭河又神河在縣南五十

里源出范家山東流五十里入閭河又孟家河在縣

南三十五里即霸河也自平利界來納諸水東北流

合閭河

縣冊

洵河 在縣東百二十步出自西北山流入漢江縣以

是得名

雍勝畧

旬陽縣北山旬水所出南入沔

漢書地理志

旬水北出旬山東南流逕平陽戍下與直水枝津合

又東南逕旬陽縣與柞水合又東南逕旬陽南又東

南注漢謂之旬口

水經注

旬陽故城在縣北

旬陽縣有洵水

隋書

地理志

源出鎮安之秦嶺南流入漢長八百里東西北

三面遶縣治潞洄可愛中多水磨唐浮休居士有賦

縣志

乾祐河

即柞水

在縣西北百四十里源自鎮安縣東北乾

祐山來南流合於洵河

縣志

柞水西出柞溪南流逕重

崖堡西屈而東流逕其堡南又東南注於旬水

水經注

乾溪河

一名麻坪河

在縣西北發源獅子嶺流九十里至龍

潭為麻坪河又至乾溪鋪為乾溪河東南入洵水

縣志

冷水河

在縣北三十八里源出鵲嶺西南流入洵水

縣志

蜀河

即育溪水  
育一作清

在縣東百四十里出於秦嶺中洞河西

岔河蓋其源也南流逕閭闔入漢江

縣志按  
此即清水漢水

左得育溪與晉旬陽分界於是谷

水經注

清水在廢清

陽縣西一百步源自商州上津縣來東南注於漢

寰宇

記洵陽縣有清水

九域志

蜀河源自咸寧縣來南入於

漢

雍大記

西岔河在縣東北二百里源出西北山東南

流入蜀河

漢中府志

仙河 在縣東百八十八里源自湖廣上津縣南流入

漢

雍勝畧

自山陽界流來逕縣境牛心石南流一百里

至白河界入漢

縣志

蓮花池

在縣東西北各五里有池凡三不由浚鑿皆

天成也相傳花發年豐或邑士有登科之慶

縣志

白河縣

鳳嶺

一名繡屏山

在縣西北環遶西南形如鳳翥故名

雍勝畧

繡屏山在縣治西山頂舊有天池山腰即縣城東向層疊而下直抵東門又下里許即清風澗其在北門

外者為北岡又里許為金家坪

縣志 按縣圖則繡屏山即鳳嶺之別名

也

印臺山

一名南臺山

在縣南一里層巒方正形如印臺故名

又泰山在縣東北一里前臨漢水後連北岡又縣東

二里有靈應洞

縣志

高家坪

在縣西三里又縣西四十里有解家坪在麻

虎溝

縣志

羅漢洞

在縣西五十里又縣西六十里有高填子洞



賈志

中華山

在縣西七十里上有中華池四時不涸

縣志

長岡山

在縣西九十里小冷水出此亦名長岡嶺

縣志

大都山

在縣西百里其相近又有二峰山俱為冷水

所經

縣志

白崖

在縣西南三十里石磴盤紆望如積雪

縣志

南竹山

在縣西南百二十里接湖廣竹山界大白石

水出此

縣志

五條嶺

在縣西南百八十里大冷水出此

縣志

龍岡山

在縣南二里山勢起伏如龍

縣志

豐利縣有伏

龍山

唐書地理志 豐利故城在縣南

鄖鄉縣有伏龍山

九域志 按宋省縣

入鄖鄉疑龍岡山即伏龍山也

廟山

在縣南三十里上有神泉旱禱有應

縣志

聖母山

在縣南百里有廟今廢其北二十里為茅

坪近白石河多綠竹

縣志

平頂山

在縣南百二十里接竹山界

縣志

文筆峰

在縣東南三里孤峰聳削故名

縣志

申公嶺

在縣東南百三十里小白石水出此

縣志

紗帽山

在縣東三里山腰有井名溫泉井

縣志

魁星山

在縣東北七里七峰連亘迤邐如北斗

縣志按

此山今屬  
鄭西境

附考

錫義山在豐利縣東北六十里一名天心山

元和志

錫縣有錫義山方圓百里形如城四面有門上有石壇長十餘丈世傳列仙所居山高谷深多生薇蕨草

其草有風不偃無風獨搖

水經注

故城在縣東南

豐利縣有

天心山

隋書地理志

鄖鄉縣有錫義山

九域志

山在鄖縣西

百八十里

名勝志

天柱山在鄖鄉縣錫義鄉去縣二百

里山之左有峰曰天柱峰上有三石門

輿地紀勝

按天柱山疑

即錫義山也今當屬鄖西境

漢水 在縣北三里自洵陽界流入又東流入鄖西為

湖廣界

縣圖

漢水又東為龍淵又東逕錫縣故城北為

白石灘又東逕長利谷

水經注

漢水南去豐利縣二十

里

元和志

月兒潭在縣西五十里即漢江也潏洄澄澈

有如秋月因名

縣志

詳

仙河

即長利水

在縣西北南流入漢

縣圖

上津縣有長利水亦

名仙水西北自豐陽縣流入豐利縣界

寰宇記

上

西豐陽縣

今屬山陽

崩頭溝水

在縣西百里其水北入漢江有崩頭石在

漢水南岸接洵陽界

縣志

冷水河

在縣西南百六十里源出洵陽縣王鐵嶺北

流去縣七十里入漢江又馬庄河在縣西百二十里

源出洵陽界棕溪嶺東流入冷水河又小冷水河在

縣西九十里源出長岡嶺西流入冷水河

縣志

冷水河

源出竹山縣界嶺下流西合漫水河又西合馬庄河

又東合小冷水河流一百六十里入漢江

縣志

麒麟溝水 在縣西六十里源出陳家山北流入漢

縣志

麻虎溝水 在縣西三十里北流入漢

縣志

長春澗水 在縣西北一里源出龍岡兩崖花卉四時

不絕故名長春其水北入於漢又有洞賓澗在縣西北又有普澤泉在縣西北一里左右各一穴居民日汲不竭又相近有普潤泉其水並流入長春澗入於

漢縣志

白石河

在縣西南二里

縣圖

漢水東逕錫縣故城北為

白石灘

水經注

白石河在縣西南百二十里源出竹山

界東北流去縣二里入漢江又小白石河在縣東南九十里亦出竹山界北流入白石河又厚子河在縣

南四十里北流入白石河又紅石河在縣東南八十  
里源出漫營嶺至縣南十里西北流入白石河

縣志

白

石河源出界嶺小白石河源出申公嶺

州志

縣東一里

為清風澗又有環碧池水入焉又縣南十里有高名  
澗十五里有白崖澗二十里有凉水澗其水俱流入  
白石河又縣南十五里有店子溝其水流入紅石河

縣冊

沙溝水

在縣東十五里其水入漢接鄖縣界

縣志



天池

在縣南龍岡山上岡阜四起中陷一坪方半畝

遇雨積流成池不假人力

縣志

凉水泉

在縣北里許炎暑其水如冰

縣志

龍泉井

在縣東門外其水冬溫夏涼

縣志

紫陽縣

神峰山

在縣治北數峰壁立如屏縣治枕其麓上常

有雲氣

縣志

滴水崖

在縣北十里怪石嶙峋崖上有洞洞有石龍

吐水又有太白池深不可測禱雨輒應

縣志

七寶山

在縣北四十里七峰高聳故名

縣志

鳳凰山

在縣北七十里接漢陰界疊聳十二層如鳳

凰翔舞上多仙跡

縣志又見漢陰縣

風洞山

在縣北七十五里孤峰插天山下有清泉

縣志

團螺山

在縣西北六十里層巒旋繞如螺接西鄉界

縣志

鄧都山

在縣西十五里峰巒秀出上有鄧都神祠禱

雨輒應

縣志

陳公崖

一名鐵絳灘

在縣西五十里舊名鐵絳灘南岸石崖

數丈陡峻壁立人不能行昔有鐵繩懸崖上溯流者

挽之以行年久廢壞舟人苦之順治十六年沔縣陳

左叅安國募工鑿石開路因以名之

縣志

鷄鳴坡

在縣西南六十里坡甚高相傳漢高祖微行

至此聞鷄鳴遂止

雍勝畧

土門堽在縣西南六十五里

灌河內兩山夾峙叢林懸崖儼若巨闕

縣志

城牆嶺 在縣西南百二十里昔人緣山頂築牆以禦

寇南北長亘三十餘里接漢陰縣界

縣志又見漢陰縣

觀音碕洞 在縣西南沿任河百二十五里懸崖高覆

有天成石龍俯首滴泉下生石瓶盛注不竭不溢洞

中可容數十人

縣志

二州埡

州一作舟

在縣西南百六十里為秦之金州蜀之達

州接壤明正德間於達州分建太平縣金州分建紫

陽縣仍於二州埡設戍防守斷崖絕壁雄峙一方其

上有擂鼓石

縣志

天馬山

在縣南二里山勢如馬騰驤故名

雍勝畧

玉屏山

在縣南三里其相近有筆架山學宮之右面

之有印臺山學宮之左面之又甕山在漢江南岸其

形如甕亦謂之甕兒山山下有紫陽洞

縣志

洞在紫陽

灘之涯洞有三各深丈許宋紫陽真人張平叔修煉

之所縣因以名

雍勝畧

白崖洞

在縣南四十五里

縣志

沿汝河三十里懸崖峭

壁竹木叢茂上下二洞距五丈許洞中垂石乳滴水下有石笋承之形若雌雄相顧四傍石紋如鱗次相

傳為宋時仙隱處

縣志

望夫山 在縣南九十里任水之濱其上有望夫石

縣志

一婦以夫從戎朝夕登望後化為石

圖書編

三尖山 在縣南百里林谷叢密明嘉靖間土寇李三

結寨於此其相近有木竹埡多竹木又有仙女洞洞門常有霞光五色相傳洞中水溢時見有胡麻飯流

出

縣志

文筆峰

在縣東南八里一峰突起如筆

賈志

香爐山

在縣東南十里上有鐵香爐故名山巔雲起

則雨人以為候

縣志

板廠山

在縣東南七十里順治六年巨寇孫守金據

此十年始勦平之

縣志

目連山

在縣東南百里洞河內山下有目連洞俗傳

目連和尚結庵於此昔有人聞洞中樂音飄渺百卉

異香今山半崩裂人跡罕到

縣志

光頭山 在縣東南百五十里接四川太平縣界山頂

不生草木有二穴極深下有龍洞石門三重內有石

床人不敢近雲霧起則雨

縣志

三臺山 在縣東三十里山形疊聳其中有石洞龍泉

又相近有三十六峰羣峰簇擁為諸山冠木石巉巖

中多虎豹又縣東三十五里有冲天洞在汝河對岸

懸崖中有石洞洞前有泉亦紫陽真人修煉處

縣志



漢水 在縣南門外自漢陰界東南流入又折而東入

興安州界

縣圖

漢水自逕寧都縣南又東逕魏興郡廣

城縣又東得魚脯溪口舊西城廣城二縣指此谷而

分界也

水經注

寧都縣今屬漢陰廣城故城在本縣東南西城縣今屬興安州

漢江自

馬家營為縣界東下為銅鑼三灣又東為草園灘又

東為五溜子灘又東為龍王灘又東為石壁灘又東

為鐵緯灘即陳公崖也又東為官姑三灘又東為怯

灘在縣西十五里水陡如闢又東為大力灘在縣西八

里左右皆有石嘴為舟楫患又東為石梁灘在縣西  
當任河口又東為紫陽二灘在縣治前又東為中宮  
灘在縣東南一里極高險中流有柱石怒激如雷又  
東為長灘在縣東四里近汝河灘不甚險商舶停集  
漁火絡繹又東為樓子灘又東為柘瀆灘又東為石  
門灘接興安州界計流一百六十五里又有鴛鴦石  
在縣西三里漢江南岸縣志石有雌雄之狀舊在洋縣  
鴛鴦壩順流至此漁人識之

名山記  
詳見圖考

松河

在縣北八十里南流入漢

縣冊

寧都縣治松溪口

水經注

按

此即指松河林本河在縣北六十里又開河在縣北

八十里皆西流入於松河

縣志

綿魚河

在縣西稍南六十里其水東流入於漢

縣冊

五

郎河在縣西五十里右合白楊河左合漆園河二水

皆流合於綿魚河

縣志

沔峪河

在縣北三十里西流入漢

縣志

源出七寶山流

三十里入漢

縣冊

任河 在縣西南一里源出四川大寧縣流逕太平縣

又至縣境北流入漢崖路崎嶇通西蜀道板木結棧

多由此出

縣志

縣西南二十五里任河有之灘橫石參

差曲折如之字形故名

州志

王爪溪

在縣南九十里其水入任河

縣志

廣城縣治王

谷谷道南出巴獠

水經注 或曰王爪即王谷之訛

灌河

灌一作權

在縣西南六十里源出縣西南金山谷有東

西兩河俱流入於任河俗又呼為權河蓋字誤也

縣志

渚河

渚一作渚

在縣西二十五里源出西鄉縣印臺山東流

合任水又小石河在縣西北二十里南流合于渚河

縣志

渚河自團螺寨入境流一百九十里入任河小石

河源出豬頭山流一百二十里入渚河

縣志

顯鐘溝水

在縣南四十五里昔溝中水漲湧出巨鐘

二口故名其水東流入任河又瓦房溝水在縣西三

十里其水北流入任河

縣志

龍洞溝水

在縣南三里源出筆架山西流入漢又紫

陽溝水源出文筆峰北流入漢

縣志

汝河 在縣東南三十八里有東西二源出於四川之

界嶺北流入漢

縣志

洞河 在縣東南四十里亦有東西二源出於界嶺北

流入漢

縣志

石門溝水 在縣東四十五里其水入漢接興安州界

縣志

蒿坪河 在縣東北五十里源出鳳凰山東流逕州界

入漢

縣志

廣濟泉

在縣城北

縣志

石泉縣

雲霧山

在縣西北六十里上有佛殿佛座下有泉雲

霧四時不散山因以名下有洞不甚高而深不可測

歲旱祈禱投石於中即有風從洞出風止即雨

縣志

枯柳洞

在縣北五里高一丈二尺洞門有石臺石爐

中有石籩豆杯斚之類皆出天成洞有三梯緣梯而

進旁有泉如碗傾耳聽之如雷穴深莫測

賈志

五攢山在縣北五十里上有五峰相聚亦謂之五攢嶺

賈志

四方山 在縣北百里

縣冊

磨兒嶺

在縣西北百二十里嶺甚高險

縣冊

嶺通子午

谷為入省捷徑其高入雲路屈折盤旋如轉磴故名

縣志

關頭山

在縣西二里

縣志



二郎洞

在縣西十里洞旁石上俗傳有觀音手膝印

跡

賈志

古源洞

古源一作鼓圖

在縣西十五里平地突出大石方圓數

畝有石澗數道興仁堰水從此過崖鑿古源洞口四

大字又壁間有金鈴崖

縣志

縣西二十里有風洞投石

則風起

縣志

霹靂峰

在縣西三十里一峰挿雲饒風河遶其下

縣志

天池山

在縣西四十里自麓至頂二十里上有天池

大可三四畝內產紅白二蓮若產並蒂則邑有祥瑞

縣志

梅子嶺 在縣西五十里

縣志

烟波洞

在縣西南六十五里

縣志

漢水之濱峻壁懸崖

其下為洞深不可測中有靈湫旱禱輒應相傳積薪

洞口然之其烟透于天池山下之小洞

縣志

饒風嶺

在縣西七十里宋吳玠敗金烏珠兵於此

縣志

山下有饒風河

縣志

嶺南枕漢江與西鄉接界險峻

倚天石徑盤紆為秦楚蜀往來必由之路有關置此

縣冊 又

見西鄉縣

仙女洞 洞有二一在縣西百里山林深邃人跡罕及

中有池方畝許一在縣北七十里香爐溝崖上一石

當門怪若龍頭洞中有蓮花石盆禱雨輒應

縣志

鷹嘴崖 在縣西南五十里近繒溪

縣冊

父子嶺 在縣西南六十里

縣冊

相傳有父病死於此子

亦哭死故名

縣志

仙鶴崖

在縣南二里漢江南岸

縣志

相傳有雙白鶴集

此因名

縣志

十八盤山

在縣南五里漢江南岸

賈志

盤曲十八折乃

達其巔

雍勝畧

銀洞山

在縣南八里奇峰突兀高出雲表有銀礦明

萬歷間遣內使開採旋以百姓不便禁閑

縣志

關家山

在縣南四十里又相近有太白山上有神洞

禱雨輒應

縣志

關家山以山下居民多關姓因名其山

縣志

青礪

在縣南六十里

縣志

為南山一帶入縣總道

縣志

手把崖

在縣南七十里近柳溪

縣志

魚洞

在縣南南山下不一其處每年穀雨洞中有魚

簇擁而出土人取之

縣志

黃石山

在縣南百里其上有藥王殿

縣志

堰頭山

在縣東南五里漢江南岸漢水逕北有灘曰

渰灘

縣志

三台山 在縣東南五十里

縣志

天平山

天一作太

在縣東南八十里漢江南岸其山高峻絕

頂坦平約畝許

雍勝畧

香栢崖在縣東南八十里漢江

南岸

縣冊

馬嶺山

在縣東三十五里綿亘二十餘里路逕崎嶇

紆迴盤繞行人如在天際

縣冊

天竹嶺

在縣東北百里

縣冊

附考石泉有真山

輿地紀勝

今此山無考又按廢直城在石泉漢陰界而水經注有直谷

縣境亦有直水則真山疑即直山之訛也

漢水 在縣南五十步自西鄉界茶溪鎮流入又東入

漢陰界

縣圖

漢水自會洋水又東歷敖頭又東合直水

又東逕直城

水經注直城今屬漢陰

石泉縣有漢江

九域志

縣西

四十里漢江中有洪石灘灘下百餘步有閼王坂石

崖陡峻鑿孔為路灘中石大水急舟行最險

州志詳見圖

考

左溪水 在縣西南七十里漢江北南流入漢繒溪水

在縣西南六十里漢江南西北流入於漢

縣志

饒風河

一名毛家河

在縣西五十里源自西鄉縣子午河分

流逕土門關東入漢

州志

源出饒風嶺之毛家河會蒲

溪咎家河諸水逕饒風塘自西而東行穿古源洞又

至縣西合大壩珍珠兩河會於關頭山口之白虎石

入漢江

縣志

大壩河

在縣西十五里源出長安縣秦嶺合縣西北

之龍洞溝南流入漢

州志

源發縣西北之雲霧山泉



湧出流至山根三十餘里聚於龍洞溝東南流二十餘里會火帝嶺之紙房溝水至銀杏壩為大壩河又逕銅肝峽流六十餘里又至縣西十五里合饒風河

南流入漢

縣冊

珍珠河

在縣西三里源出雲霧山東北之馬蝗嶺南

流又至縣西會饒風河入漢

縣冊

紅河

在縣東二里

縣志

兩岸沙石皆紅源出五攢嶺南

流入漢

雍勝畧

遲河

遲一作池  
即直水

在縣東五十里自鎮安界流入

賈志直水

北出子午谷岩嶺下又南枝分東注旬水又南逕從

閭下又東南歷直谷逕直城西而南流注漢

水經注安

康縣有直水

魏書地形志  
故城在漢陰縣界

直水源出永興軍

乾祐縣弱嶺姜子關南流逕漢陰縣西又南注於漢

其北流當終南山子午谷路

寰宇記  
縣今屬鎮安

漢陰縣

有直水

九域志  
唐大曆  
間省縣入漢陰

遲河源自長安縣腰竹嶺

來至蓮花石南入漢江相傳此水易漲難退故名遲

河其地沃衍

雍勝略 按此即直水  
直與遲蓋以聲近而訛

大柳溪

在縣南六十里小柳溪在縣南四十里其流

俱入於漢

縣冊

富水河

在縣南一百二十里水大而險其流東北入

於漢

縣冊

松樹溝

在縣西北三十里

縣冊

溝有西南二處俱有大

松合抱故名

縣志

黑溝

在縣南四十里

縣冊

香栢溝 在縣東南八十里香栢崖下

縣志

草池 在縣西北二十里

縣志

池大十畝餘六月荷花最

盛

縣志

龍湫

在縣南五十里漢水南岸其深莫測旱禱有應

縣志

石泉

在縣南五十步其泉清冽四時不涸縣以此名

雍勝略

附考

梁武帝立晉昌郡治王水口

寰宇記

王水在縣西

九域

志 按此  
水無考

### 漢陰縣

鳳凰山

一名龍子山

在縣南二十五里

漢中府志

鳳凰山一名龍

子山疊嶂十二層道書云山上有仙人藥園

寰宇記

南

繞漢江東西二百餘里中有峰似鳳因名又山頂有

鳳凰池仙女池

縣志

卧龍岡

在縣城北其形蜿蜒如龍又岡之後有長嘯

崖崖之下有朝陽洞洞之東有泉自崖畔流出名洗

心泉

縣志

尖山

在縣北十五里

縣志

六面山

在縣北五十里又縣北六十里有雞公嘴

縣志

箭竿山

在縣北七十里與州境羣山相接西枕青泥

河山產箭竹

縣志

瘦驢嶺

在縣北九十里

縣志

龍洞

在縣西北三十里洞甚深邃旱禱有應

賈志

石門山

在縣西北四十里

縣志

兩山夾峙宛然如門

縣志

橫山 在縣西北五十里右截羣山

賈志

馬蝗山 在縣西北八十里又魚洞嶺在縣西北九十

里又相近有龍會嶺層峰疊嶂與鳳凰山相埒

縣志

千佛洞 在縣西二十五里高梁鋪北

縣志

分水嶺 在縣西三十里林木叢茂接石泉縣界

縣志

石家山 在縣西南三十里

縣冊

煉丹崖 在縣南八十里擂鼓臺傍有黃龍洞相傳為

黃龍禪師入定處

縣志

城牆嶺

在縣南百五十里俗名豬頭山接紫陽界

縣志

在漢江南五十里舊城基猶存

縣志

大懸崖

在縣東南十三里遊者頗多題詠

縣志

雲門山

在縣東二十里山下有雲門寺

雍勝略

南陽洞

在縣東三十里澗池舖北又玉皇洞在紅崖

道傍又縣東四十里蒲溪舖南有湘子洞

縣志

邑東三

十里許曰丹崖峭壁孤懸有古洞三惟臨堤一洞猶

可攀援其中及最上者路懸一綫下視千仞登者難



之

陳典丹崖洞記 按丹崖即紅崖則丹崖洞即玉皇洞也

雙乳山

在縣東六十里兩峰突起形若雙乳

縣志按賈志

作縣東五里誤

月嶺山

在縣東六十里

漢中府志

梁門山在縣東八十里

梁將王神念開拓州境以梁門為之門月川水出此

元和志

月嶺山有溪出焉名曰月水

賈志

按此則月嶺山疑即梁門山

也

黑龍洞

在縣東北百里洞甚深邃

縣志

漢水 在縣南九十里自石泉界流入又東南流入紫

陽界

縣圖

漢水自合直水又東逕直城南又東逕千渡

而至蝦蟆嶺歷漢陽漁口而屆於彭溪龍竈並溪澗

灘磧之名也又東逕晉昌郡之寧都縣南

水經注  
詳見圖考

直城故城在縣西寧  
都故城在縣東南

沙河 在縣西北六十里源出縣北石谷堙流入石泉

縣境合於遲河

縣志

富水河

在縣西南自石泉縣流來東北流入於漢

縣冊

大漲河 在縣西南四十里源出石家山南流至渭子

溪入漢

縣冊

月河

即月川水

在縣西百步

賈志

漢陰西有月川水

唐書地理志

月

川水出縣東梁門山

元和志

月河源出月嶺山東流入

州界注漢江

通志

明成化間月河水漲壞民廬舍遷民

居於水西築隄障之

州志

源出分水嶺有仙溪河在縣

西南十五里又墩溪河在縣西南五里又板峪河在縣南五里又盧峪溝在縣東南八里鐵溪溝在縣東

南十里龍王溝在縣東南三十里蒲溪河在縣東南  
四十里花石河在縣東南五十里並出鳳凰山北流  
入於月河又沐浴河在縣西北十五里觀音河在縣  
西北三里池龍溝在縣東北五里青泥河在縣北十  
里鐘河在縣北六十里田禾溝在縣東北五十里雙  
乳溝在縣東北六十里並自北山南流入月河而觀  
音洞青泥河鐘河之流為大縣志觀音河源出馬蝗山  
南流入月河又青泥河源出龍會嶺逕縣西北馬蝗

山南流迤東南一百五十里又鐘河發源縣北瘦驢

嶺南流逕紅崖寺西小峽計二百五十里至三清觀

與青泥河會一名添水河又逕縣東偏南流六十里

至雲門鋪入月河

縣冊

恒河 在縣東二十五里北岸有古之淘金場

雍大記

其

水流入興安界入月河

縣冊

天池 在縣南百二十里漢江南

縣冊

蓮花池

在縣東二十里雲門鋪古產並頭瑞蓮

縣志

甘泉 在縣治內城隍廟前邑令張大綸鑿又神泉在

縣治內關聖廟前邑令丁珣鑿

縣志

一碗泉

在縣南四十里

縣志

在鳳凰山南清冽可飲

縣志

涼泉

在縣東六十里

縣志

其泉清冽夏月飲之冷澣人

齒如水

雍勝畧

附考

小漆河在縣西百五十里

縣志

按縣西即石泉境而此水兩縣俱無考

商州

金鳳山

一名鳳凰山

在州北里許州之主山也其西二里許

曰鳳凰原上有卧牛臺

州志

相傳為邵康節章子厚玩

牡丹處

縣志

黃沙嶺

在州北二十里石徑蜿蜒為入都通衢嶺上

有馬跑泉水湧不竭行旅便之

州志

馬鞍山

在州北三十里以形似名其相近有肱膊峪

州志

安山

即清池山

在州北五十五里山下有紫榆澗清池水出

焉蓋即清池山也

州志

清池水東北出清池山

水經注

文昌山

在州北六十里泉村鎮東北山上有文昌祠

又二義山在鎮西北上有關趙祠明時結寨於此鎮

之右又有泉山其下多甘泉

州志

扶斗山

在州北七十里孤峰峭拔大黃川出此其相

近有紫峪又有紅土嶺出紅土可飾丹堊又有黃土

嶺

州志

朝峪嶺

在州北八十里嶺之下有輞峪道出華州其

相近有藥子嶺相傳為真人韋善俊種藥處與維南



縣分界

州志

馬脚山

一名小華山

在州北百里一名小華山石山壁立四

面如削巖下一穴上出約七八丈登者以木攀援而

上出穴口上有兩峰峽中細水下瀉樹多松栢槲栗

奇險天設昔多避兵於此

州志

大雲山

一名戴雲峰一名棚刀山

在州西北十五里州之鎮也俗呼

為棚刀山上有元帝廟其後有戴雲洞可避兵

州志

名戴雲峰以欲雨先雲而名

賈志

霍家洞 在州西北二十里由胭脂關北三里許河東岸一山突起西向一穴有井深丈餘踰井而過裏寬若數間屋中有兩岔石徑不盈尺蟬行百餘步一穴向下以木梯度之左右前後巖穴可棲者數十百處明季土人避兵其中賊不能害

州志

木瓜嶺 在州西北五十里又州西北六十里有元武山在大荆集西

州志

楊十萬山 在州西北八十里泉村鎮西北

州冊

山在乾

溝北山上一穴大如斗有泉流注大河每穀雨時有魚千萬擁擠而出山多異石有色似太湖者又有聲

清越似靈壁者但不可多得其相近有大小韓峪

州志

冢嶺山

即謹舉山一名高猪山

在州西北百二十里

明一統志

丹水出

上維冢嶺山

漢書地理志維故縣即今州治

丹水出京兆上洛縣

西北冢嶺山名高猪山也又洛水出上洛縣謹舉山

地理志曰洛出冢嶺山山海經曰出上洛西山

水經注

按陸澄云冢嶺山即謹舉山也大抵州西北百里之山皆秦嶺甲水出其南丹水出其東南洛水出其東

北其實本一山也賈志云在  
州南六十里誤又見雒南縣

竹山 在州西北二百里山多產竹故名雞勝丹水出

西北竹山

水經注 按州志秦嶺昌黎祠下舊稱竹山即秦嶺第九山有息邪澗丹水所出今

考出息邪澗者即本州至浙入洵之丹水也出竹山者乃洛南入洛之丹水也考水經注則二水源流迥別自說者指息邪澗為竹山而二丹水之源遂混然竹山在州西北二百里而華州渭南交界適當其地意竹山當即渭南之箭峪而息邪澗為冢嶺下之澗愈無疑矣

鷗虎嶺 在州西五里其相近有構峪峪中有洞為昔

人避兵處

州志

西巖山 在州西十里與仙娥峰對其麓有西巖洞古

稱棲真之地又有說法洞古傳祖師說法於此時五

鬼竊聽故旁有五鬼窰又仙娥峰一名吸秀山亂山

中特起一峰下臨丹江謂之仙娥溪

州志

商山無數峰

獨愛仙娥好

唐白居易詩

野人峪

一名仙人溝

在州西三十里林谷深僻一名仙人溝

又州西三十五里為暘峪通磁窰

州志

秦末避亂人多

居此故名野人峪又為唐董景道隱處

賈志

熊耳山

在州西四十里

雍勝畧

上洛縣有熊耳山

隋書地理

志

山在上洛縣西四十里齊桓公登之以望江漢

地括

志

兩峰插漢以形似名又州西五十里有香爐山

州志

按州屬熊耳山有二一在州西一在雒南縣東與盧氏接界雖州與雒南俱屬古上洛地而洛水所經則雒南之熊耳非州之熊耳也乃賈志云州熊耳為伊水所出是誤指此熊耳為雒南之熊耳矣考水經注伊水自熊耳東北逕鸞川亭又河南通志云伊水出盧氏閭頰嶺則是熊耳西為雒南東為盧氏壤界雖接而伊水亦不出雒南境也恐賈志貽誤故特辨之

鷄頭山

在州西六十里與熊耳山相對山半有鷄精

洞又相近有白石山山多苦竹州人器用資之其相

近又有泥峪

州志

白龍洞

在州西九十里近藍田界

州志

在紅崖寨山中

洞口如甕燃炬而進膝行里許有石室一區後壁一池如斗大禱雨輒應雖盛暑其冷如冬非旱極不敢

入

州志

秦嶺

在州西百里朝陽洞玉皇洞雷神洞並在其後

又其下有黑龍峪相傳漢高祖入關分二道一出藍

田一由此

州志

上洛縣甲水出秦嶺山

漢書地理志

上洛縣

有秦嶺山

隋書地理志

高九百五十丈

寰宇記

東西亘八百

里嶺根水北流入渭號為八百秦川亦即丹水所出

三秦記

嶺北為秦南為漢

王氏通釋

在州西北與藍田接界

唐韓愈南遷經此嶺上有祠

雍勝畧

高車山

高一作膏車一作東誤一名駝峯俗名雙奶山

在州西南五里

賈志楚水

東逕高車嶺南

水經注

高車山上有四皓碑及祠皆漢

惠帝所立高后使張良以駟馬高車迎四皓於此故



名

寰宇記

南過膏車嶺川源似掌平

宋王禹偁詩

山在乳水

北岸兩峰如駝俗名駝峰又名雙奶山土中嘗得矢

鏃蓋古屯兵處又相近為馬蘭峪

州志

逾丹水有馬蘭

谷

禹貢  
錐指

土地嶺

在州西南二十里其東有毘盧殿西有天妃

祠其相近有五峪麥當早熟又州西南三十里有羊

峪

州志

軍嶺

在州西南四十里其地名秦王城相傳為秦王

屯軍處

州志

安武山

即青泥西山

在州西南五十里關柎水所出

縣冊

關柎

水出上洛陽亭縣北青泥西山

水經注按此蓋即安武山也陽亭縣今

屬山

陽

黑山

在州西南六十里其石如墨又相近曰石倒峪

多美木曰赤水峪多松

州志

秦望山

即良餘山俗名秦王山

在州西南九十里即良餘山俗訛

為秦王山

州志

良餘之山乳水出於其陽

山海經

山西南

有花水峰亦四皓隱處

西安府志

蛾眉山 在州南一里又南一里有文筆山舊名文屏山山對學宮知州張極建有三塔東連三台山山對鎮遠門其形三疊首西尾東亦名龜山以形似名其中有水月洞又丹崖山在州南丹水南岸山皆赤壁

州志

南秦嶺 在州南二里過嶺為南秦川又州南三十里為竹竿嶺其勢峻削

州志

宋邵雍寓此詩云南秦地暖

花開早比至春來已數番

馬志

天柱山 在州南五里宋邵雍最愛此山因卜居於此

其相近有劉峪又州南八里有小劉峪多花卉

州志

樓山 在州南五十里其北有劉嶺一名流嶺為唐高

太素隱居舊有澄心亭積翠樓凝碧池六逍遙館今

皆蕪廢又西南有桐谷寫川

州志

高礪山

一名鬼門關

在州南八十里巨石壁立左右如門去

地數十仞行者如躡半空號曰鬼門

州志

鬼門在州南

深溝陡澗巨石壁立如門中穿行路澗上高崖萬仞

挿天下極幽險

雍大記

鷄籠山 在州東南三里古立寨處今猶稱鷄籠寨

州志

武山 在州東南九十里

西安府志

白陽山 在州東南二百九十里又南為石巖砦與商

南接界

州志

龍山 在州東五里丹水北岸又州東七里有觀音山

石崖中有菩薩洞水泉甘美

州志

觀音山北與龍山相

對

州冊

爬樓山

在州東二十里為城東捍蔽山傍有蓮花池

肇峪武婆泉

州志

亢峪

在州東三十里

西安府志

余受檄檢踏熅炭自黃沙

嶺並山東行經白谷越大小亢抵鬱隸石門諸谷而

還

宋雍方賢熅炭碑

山有大亢小亢兩峪又州東四十里有

蒲峪又州東四十五里有諸天洞在洛原銅佛龕怪石壁立中有水清甘可飲仰蔭飛巖俯臨丹水其地

可避暑

州志

燕子山

一名燕  
子龕

在州東五十里襄王溝上有龕高百尺

兩山相合昔土人傍山鑿碕避兵其內可容六十餘

戶以元鳥冬多蟄此又名燕子龕迤南百餘步為鵬

崖山兩山壁立高數百仞土人鑿石為路路絕處懸

梯以躋約百丈得巖穴亦可容五十戶皆昔之避兵

處其相近又有澗峪恨峪

州志

棣花山 在州東七十里以地多棣花而名山之內有

東暘洞其相近又有羅漢山山有羅漢洞丹崖壁立  
高數十丈下臨丹水明末土人鑿棧道避兵其中左  
右亦有數小洞相近又有老君峪俗傳為老子騎青  
牛過此有路通雒南又州東七十五里有朝陽山俗

名兩嶺子

州志

商山

即商阪一名地肺山一名楚山一名  
商谷山一名商洛山一名智亭山

在州東八十

里

州志

蘇秦說韓宣惠王曰西有商阪之塞

戰國策

商阪

即商山在商洛縣南一里

正義

商洛故城在州東

南山曰商山



又名地肺山亦名楚山

帝王世紀

秦始皇時四皓共避世

於商山

高士傳

商阪在商洛間適秦楚之險塞

史記索隱

山

南道名山曰商山

唐六典

商山包楚鄧

王維詩

一名商谷

山四皓仙人隱處

雲笈七籤

七盤十二綵即商山嶺也

王氏

道釋

商州上洛縣有商山其地一名商洛山後人名四

皓隱處為智亭山

名山記

商山一名楚山形如商字湯

以為國號郡以為名

雍勝畧

自乳水之南山皆曰楚山

自劉峪口以下丹水之南山亦皆曰楚山又州東八

十里有洛峪又州東九十里有大峪背峪

州志

鷄冠山

在州東百里峰巒攢簇為龍駒寨主山山有

千佛洞七星洞

州志

山有紫陽洞真人張伯端修煉處

馬志

伯牙山

伯牙一作白鷗

在州東百里聳拔紆折俗呼為白鷗山

相傳昔有樵子刈薪其上隱隱聞絲絃聲尋之不得  
明末有好事者陟山巔得斷碣于敗葉中鐫伯牙二  
字大如斗意昔牙嘗遊此而後人因以名其山歟又

相近有江流嶺在龍駒寨商賈往雒南者路多由此

又相近有湧峪

州志

資峪嶺

即菟和山

在州東百十里

州冊

哀公四年楚人臨上洛

左師軍於菟和

左傳

山在上洛縣東

杜注

上洛縣有菟和

山

漢書地理志

丹水自倉野東歷菟和山

水經注

今商州東

有菟和山通襄漢之道

馬志

資峪嶺即菟和山或曰資

峪菟和之南嶺也其相近有紅崖洞

州志

長岡嶺

在州東百三十里商南山陽二縣接界又州

東百五十里有鐵峪又州東百六十里有新開嶺為

武關西障

州志

武關山

即少習山

在州東百八十里

賈志

哀公四年楚左司馬

使謂陰地大夫士蔑曰晉楚之盟好惡同之不然將

通於少習以聽命

左傳

少習商縣武關也在今商州東

少習山下故亦名少習

杜預注故城在州東

商縣

山道險阨北

接高山南臨絕壑為自楚入秦要隘又相近有吊橋

嶺俗呼第一條嶺為武關東障嶺上與商南分界

州志

東巖山 在州東北三里有大小趙峪循峪而入有山

曰東巖以對仙娥溪北之西巖而名有水曰東溪相

傳為唐李白僑寓處

州志

困石山 在州東北十五里盤曲如困巖阿深邃為昔

人隱逸之地其北有中阜山俗名為北山

州志

石龍洞 在州東北四十里由十九河溯流而上有山

嵯峨下嵌一洞方廣約五六丈中有石龍十數頭奇

巧天成鱗角爪牙宛出人工有伏而寢者偃而舒者

俯而飲者仰而吸者鬪者舞者蟠曲似蟄者獨一龍  
昂首欲飛口中有液滴成小湫每禱雨以瓶承領下  
但得一滴瓶即滿行不數里輒大雷雨否則終日不  
獲一滴蓋視人意之虔否也

州志

五峰山 在州東北七十里又州東北九十里有孤山

接商南界

州志

鐵洞嶺 在州東北百八十里山多產鐵與維南盧氏

接界又有分水嶺南水入丹北水入洛故名

州志

牧護關水

在州西百二十里源出秦嶺西流入藍田

界即灞水上源

州志

金井河

即甲水

在州西南源出秦嶺納東西牛槽水入鎮

安界

賈志

上洛縣甲水出秦嶺山東南至錫入沔過郡

三行五百七十里

漢書地理志  
縣今屬白河界

錫甲水出秦嶺東

南流逕金井城

水經注

牛槽川在州西南八十里西牛

槽水自嶺北入石倒峪東牛槽水自嶺北入赤水峪

南流注金井河

州志

色河

即關柎水一名安武水

在州西南五十里

州冊

源出安武山又

名關柎色河南流入山陽界

州志

關柎水出上洛陽亭

縣北青泥西山南流逕陽亭

水經注

丹水

今名州河一名大商源河又名麻澗河又名仙娥溪又名白楊河又名洛源河又名高橋河又名棣

花河

在州南一里源出州西北東南入商南界

州圖

丹水

出上洛縣冢嶺山東南流與清水池合又東南過其縣

南楚水注之又自倉野東歷菟和山又東南過商縣

南又東南歷少習出武關又東南入白口

水經注

上洛



縣有丹水

魏書地  
形志

丹水出秦嶺之息邪澗亦曰州河

又州西七十里曰大商源河四十里曰麻澗河在熊  
耳峰下山澗環抱厥地宜麻十里曰仙娥溪一名西  
巖溪在仙娥峰下水南有桃花溪唐李白白居易宋  
王禹偁裴大亮曾泛舟賦詩於此皆丹水經流之地  
又月兒潭在州東百十五里唐崔湜謂可通輓輸即  
此州志水心舊有巨石難通舟楫名月兒灘萬歷中丹  
水暴漲沙壅灘平水道便之賈志丹江至州東四十里

為白楊河又東十里為洛源河又東十里為高橋河  
又東十里為棣花河自發源至出境計二百七十里

州冊詳  
見圖考

黑龍峪水

在州西八十里源出藍田縣境南流入州

河

州志

洪門河

即韓  
峪川

在州西七十五里自韓峪川來南入州河

州志

泥峪河

在州西五十五里其相近又有蒲岔溝水合

流東北入州河

州志

水道河

即清池水

在州西二十里

州圖

清池水源東北出清池

山西南流入丹水

水經注

州北荆水有二源曰大荆川

西荆川南流合為一東南逕州西北之上板橋與泉

水合謂之水道河又泉水在州北七十里源出泉村

集其水逕集北馬角輞峪至上板橋合荆水又有大

黃川小黃川紫峪河三水合流至娘娘廟入泉水又

有岔口河在州北四十里源出藥子嶺合閻家店諸

水至岔口鋪入泉水又桃岔河在州北三十五里自萬家山來至馬鞍寺入荆水小桃岔河在州北三十里至下板橋入荆水又十九河在州北二十五里自洛南松朶山銀廠溝來至黃沙嶺入荆泉二水並歸於水道河經州西二十里入丹水

州志

構峪河

在州西八里南入州河

州志

東溪水

在州東北五里南流入丹水

州圖

乳水

即楚水又名南秦川秦一作靜

在縣南五里

州圖

楚水出上洛縣西

南楚山其水兩源合於四皓廟東又東逕高車嶺南

翼帶衆流北轉入丹水

水經注

上洛縣有南秦水

魏書地形

志

南靜川在商州之南二三里平如掌居人百餘家

秋來一川紅葉又有小桃細竹夾水而生

王禹偁小畜集自註

按此即南秦川也

乳水即楚水也源出秦望山其色如乳自

黃龍廟口至土門其渡凡七名七渡河又東經南秦

嶺下名南秦川又東北至三台山東入於丹水又有

黃栢岔水自安溝嶺來至秦望山合乳水又有軍嶺

川水在州西南三十里東流合乳水又相近有上秦川自白石山來逕土地嶺南至全家灣七渡河入乳水又有五峪河在州西南二十里自任家坡西逕土地嶺入乳水又有楚水在州南五里源出楚山北流入乳水蓋楚水別源也舊志楚水有二源此其東源也

州志

流峪水

流一作劉

在州南二十里源出流嶺南石底為大流

峪水又寬平鋪以下之水亦從流峪口出合流北入

丹水

州志

張峪河

在州東十五里

州志

源出張峪其水北流入丹

水

州冊

亢峪河

在州東二十里

州志

源出亢峪南流入丹水

州冊

張村河

在州東三十里其北有小石門水又下五里

曰池河灣

州志

大張家河

在州東四十里自北山古峰寺分流南入

丹水

州志

龍潭水

在州東四十三里源出州東南五十里仰天

池北流入丹水其一派分流入山陽界

州冊

會峪河

在州東四十五里洛源之東南流合於丹水

州志

澗峪河

在州東五十五里水自嶺上分為三流其北

流入於州河西流經君子澗東流通馬鹿坪並入山

陽境

州志

恨峪河

在州東八十里自嶺上分水一入維南境一



南流入州河

州志

洛峪河

在州東八十里北流入丹水

州志

老君河

在州東八十里南流入丹水

州志

大峪河

即商洛川

在州東九十里商洛鎮南北流入丹水

州志

商洛川在商洛縣東南八里

寰宇記

龍駒寨河

一名背峪河

在州東百里南流入丹水襄漢舟楫

皆集於此其南為百頃灣

州志

湧峪河

在州東龍駒寨東北流入丹水

州志

資峪河

在州北百二十里源分二流一北入雒南境

一南經資峪鋪下十里入丹水

州志

鐵峪河

在州東百五十里自鐵峪鋪南紆迴流至周

家崖合丹水

州志

武關河

在州東百八十里東流至商南畢家灣入丹

水

州志

魚官潭

俗名魚姑臺

在州西北去泉村二十里俗訛為魚姑

臺

州志

鹿池 在州東百十八里去月兒潭三里傳有白鹿飲

此水見人化去

州志

花園泉 在城內西南隅郡人治以為園種蓮畜魚游

釣其中又鑿渠由東而南出水門入州河又官井在

文廟前泮池味甘水盛旱亦不涸又五龍泉在西關

龍王廟前泉水迸湧其味清甘或以為與江南惠泉

相伯仲又以禱雨有應立碑號甘雨泉

州志

文泉 在州城北啓秀閣前又少峪泉在閣東西平泉

在大雲寺西合黃沙溪水入城中

西安府志

慈泉在州西

大雲寺南其源甚盛味亦甘美

州志

郝家泉

在州東一里可蒔園蔬又有石佛灣泉在城

東姚家嶮與郝家泉相近

州志

泉山泉

在州西北泉村集泉山首尾有泉凡二十餘

處最佳者三一在上寺西麓一在玉皇廟後一在寇

家村北泉尤奇石上一窠天成可容三四斗其水常

滿既供取汲餘猶瀉注大河且味甘美權之重於他

水泉村之得名以此

州志

壽泉 在州南十里官路傍白居易有詩

州志

觀音泉 在州東十五里上有古觀音寺

西安府志

龍泉觀井 在州東七十里棣花鎮

州志

### 鎮安縣

都家嶺 在縣北五里

縣志

嶺勢嵯峨為縣之主山

西安府志

長陵山 在縣北二十里巖岫聯綿故名

縣志

在乾祐縣

東七十五里

長安志

乾祐故城在縣北屢徙

白巖山 在縣北三十里紙橋寨有天仙洞祈雨輒應

其相近有徐家坪

縣志

石馬山

在縣北四十里有石如馬

西安府志

圪陡嶺

陡一作塔

在縣北四十五里其相近有百神洞洞有

神水祈雨者取於此

縣志

對峰

在縣北六十里乾祐河側兩峯聳峙下有洞相

傳明代中葉吼聲三日忽劃為兩中有神水祈雨輒

應

縣志

蘊谷

在縣北七十里

縣志

在乾祐縣西南七里

寰宇記

賽秦嶺

在縣北七十里高峻與秦嶺埒故名

縣志

車輪山

在縣北八十里其水流為鎮安河又相近有

野豬坪即舊乾祐治也

縣志

車輪山在乾祐縣南五里

長安志

天書山

在縣北八十里宋真宗時知永興軍寇準得

天書於乾祐山中即此

賈志

考山

在縣北百七十里西志

在乾祐縣北七十里蘊

水出此

長安志

縣北二百里曹家坪

縣志

栗園寨山

在縣西北八十里鎮安河出此其相近

又有西王峪嶺與咸寧接界

縣志

唐末縣嘗治此

長安志

旬山

在縣西北

縣圖

旬水北出旬山

水經注

洵河源出長

安縣界秦嶺

長安志

烟墩嶺

在縣西二里其嶺高峻有古烟墩遺址

縣志

金雞原

在縣西二十里又縣西二十五里有木瓜原

西安府志



聖燈崖

一名聖燈龕

在縣西三十里雲蓋寺側相傳每良夜

輒見一燈出崖畔俄散為七八既復合一

賈志縣西三

十里有白龍洞又縣西三十五里有白侍郎洞相傳

白居易賈島遊此今洞口有二人問答詩

縣志

香爐山 在縣西四十里以形似名其相近有雲蓋嶺

下有雲蓋寺相傳為唐賈島所居

縣志

翟家嶺 在縣西七十五里又縣西八十里有馬尾山

又縣西百七十里為魔王坪

縣志

蒿坪嶺 在縣西南三十里

西安府志

靈龜山

一名龜兒山

在縣西南八十里俗名龜兒山又縣西

南百里為花蛇坪

縣志

筍竹原 在縣西南百三十里

西安府志

紗帽山 在縣南三里以形似名又縣南五十里為上

茅坪

縣志

青峰 在縣南七十里以山色蔥蒨名其下有鎮又縣

南百五十里有蔡家嶺

縣志

楸林嶺 在縣東南七十里又縣東南百里有石驢山

又縣東南百二十里有松樹嶺

西安府志

石驢山在乾祐

縣東南百八十里有石狀如驢

長安志

北陽山 在縣東南百五十里內有石洞與楚之上津

接界又相近有南陽山相傳漢張良寓此中有子房

洞

縣志

朝羊洞 在縣東五里有神羊來朝洞口故名內可容

數百人昔多避兵於此其對面有魚洞又相近有海

棠原

縣志

分水嶺

在縣東五十里嶺有水東西分流其相近為

寬坪

西安府志

雲夢山

在縣東七十里時有雲氣覆其上

縣志

重崖山

在縣東八十里以崖谷重疊名

賈志

山之相近

者有石瓮嶺其路通馬鹿坪巖下形如石瓮水湧石

激如雷名為七里峽又相近有觀音洞在巖屋寨下

又相近有水洞坪

縣志

秦王洞

在縣東百里白塔寨下

縣志

金家嶺

在縣東百十里其相近有香山洞在米糧川

上昔之避兵處

縣志

高橋馬嶺

在縣東百二十里與山陽接界

西安府志

石壁嶺

在縣東北五里與都家碕相對形勢峭立下

有魚洞通乾祐河其深莫測洞口流泉噴瀑每歲霜降游魚泝流入洞至穀雨後水發魚逐隊出居人截洞口得之其味頗佳擬諸丙穴云又相近有祝家嶺

縣志

夢谷山

在縣東北三十里又縣東北八十里有赤脚

坪縣志

夢谷山在乾祐縣東南其山崇峻常有雲起

長安

志

平頂山

在縣東北百里山高頂平故名

西安府志

西采谷

在縣東北百五十里與藍田接界其東又有

東采谷

縣志

遲河

即直水一名東池河

在縣西南百八十里一名東池河下流

入石泉界

縣冊

直水源出永興軍乾祐縣弱嶺姜子關

水經注

池河源出長安縣腰竹嶺

石泉縣志

月河

在縣西南九十里下流入漢陰界

西安府志

洵河

在縣西南七十里自長安界入境又流入洵陽

界

縣圖

旬陽縣北山旬水所出

漢書地理志

旬水北出旬山

東南流逕平陽戍下與直水枝津會又東南逕旬陽

縣

水經注

豐陽縣有洵水

隋書地理志

在隋屬豐陽地

縣

洵河在乾

祐縣西南百里出萬年長安兩縣界秦嶺下東南流

入洵陽縣

長安志 萬年  
縣今屬咸寧

洵河源出長安縣江口至

盧家寺入縣境又經沙溝口東竹溝大寨溝至洵陽

之兩河關與乾祐河合自西北而東南至出境計流

四百里

縣冊

孝義川

一作校尉川

在縣西百里

西安府志

源出咸寧縣沙嶺一

名校尉川至川口入洵河

縣冊

小任河 在縣西南八十里源出米糧寺逕霸王灘入

洵河

縣冊



大任河

在縣南百里

西安府志

源出張家坪流入洵陽界

入洵河

縣冊

乾祐河

即柞木一作汴

在縣東三里以舊縣名

馬志

柞水西出柞

溪南流逕重崖堡西東流

水經注

汴水在乾祐縣東五

里出萬年縣界秦嶺下流入洵陽又蘊水在乾祐縣

西南七里出考山下流入汴河

長安志

乾祐河源出咸

寧界秦嶺至舊縣關入縣境流逕野猪坪石瓮子徐

家坪上茅坪青銅關梅花舖至洵陽之兩河關合洵

水凡三百三十里又有溫水河在縣西北九十里即蘊水也東南流入乾祐河又紙橋溝水在縣北三十

里其水入乾祐河

縣冊

鎮安河

俗名縣河一名雲蓋川

在縣城南源出西王峪逕雲蓋寺

名雲蓋川又逕縣西四十里營兒寨又逕縣南之舊

寺入乾祐河計流八十五里

縣冊

冷水河

在縣東七十五里

西安府志

源出龍渠川至洵陽

縣與乾祐河合又永安川在縣東六十里黃龍鋪源

出分水嶺流入冷水河

縣志

草家川

在縣南百五十里

縣志

源出東茅坪嶺流至洵

陽入乾祐河

縣志

金井河

即甲水一名合河又名安樂川

在縣東北百十里一名安樂川

自商州流入縣境又東南入山陽界

縣志

甲水流歷金

井城南又東南經上庸郡北與關柎水合

水經注

豐陽

縣有甲水

隋書地理志

金井河在縣東北即甲水也亦名

合河

賈志

金井河源出咸寧豐家河至孟李寨入縣境

一名安樂川經柴家寨至山陽與葛河合凡流三百

里

縣冊

社川河

在縣東北百里

西安府志

源出馬兒峽至孟李寨

入金井河

縣冊

花水河

在縣東南九十里石磴數十級水激浪湧

如花東流注於山陽之合河

賈志

源出水峽溝東南流

至縣東南八十里為米糧川又下流為花水河入山

陽界又秋林川在縣東八十里源出石瓮嶺一名巖

屋河又下流為秋林川合於花水河

縣冊

龍洞川

在縣東南八十里

西安府志

其水入鄖西界

縣冊

運斗潭

在縣東南百里

西安府志

青山溝

在縣南三里有龍洞禱雨取水於此

縣志

攔馬壕

在縣東三十里

縣志

活水泉

在儒學北

西安府志

瀑布泉

在縣西四十里水自懸崖瀉出有若飛練

馬志

凉水井

在縣南十五里

西安府志

龍眼泉 在縣東隆興寺前

西安府志

琵琶泉 在縣東百里

西安府志

維南縣

冢嶺山

即驪舉山一名秦嶺山

在縣西北八十五里

寰宇記

謹舉之

山洛水出焉

山海經

洛水出冢嶺山

漢書地理志

洛水出上

洛謹舉山

水經注縣在漢屬上洛地

洛南縣有冢嶺山

杜氏通典冢

嶺山在洛南縣西七十里陸澄曰即謹舉山也

王氏通釋

秦嶺在縣北橫亘三百里自嶢山入縣界則名秦嶺

嶺陰即太華稍東即潼關重峰疊嶂自縣西抵北而

東為洛水發源處即冢嶺山矣

縣志亦見商州

縣西北八

十五里有張家坪

馬志

燕子山 在縣城北縣址枕其上山勢壁立環繞而西

與梁原山岡隴相接即梁原之首也又梁原山在縣

城西縣境諸山多怪石不堪耕治獨此山可田

縣志

狀頭山 在縣西南里許秀甲諸山又縣西南二里有

饅頭山出五色石

西安府志

狀頭山迤邐而東為邑近案

上建三浮屠

縣志

孤山 在縣北十五里周圍平地獨此孤峰壁立故名

又相近有鵬兒崖山形似鵬屹立故名

西安府志

書堂山 在縣北二十里相傳張良從赤松子遊隱於

此山有二洞舊嘗聞仙樂有逐鹿者入山聞石屋中

書聲琅琅屋東桃花一株盛開時正冬寒大雪獵者

疑之因以刀刻桃樹為記明日復往石屋桃樹俱無

滿山樹木皆刀刻痕矣

雍勝畧

山為邑之主峰迥出獨



尊俯視境內山巔奇石叢叢與太華相望山之陽為  
萬壽宮明真人孫碧雲藏修處又縣北三十里有麻

坪

縣志

黃龍山 在縣北九十里山頂有礦洞招集外奸極為  
民害嘉靖八年填塞民始安洞口多五色石相傳為  
黃帝鼎成龍降處土人祀之有路通華州

縣志

香山 在縣北百里

縣志

相傳為仙人王子喬隱處其下

有太子坪

縣志

陽虛山

虛一作靈

在縣西北百里古云倉頡造書於此

雍勝畧

陽虛之山臨於元扈之水

山海經

河圖玉版曰倉頡為

帝南巡登陽虛之山臨於元扈洛汭之水靈龜負書

丹甲青文以授之

水經注

洛南縣有陽靈山

隋書地理志按陽

靈即陽虛之訛

山前有黑潭潭上有古字不可辨

賈志陽虛山

在洛水北

縣志

玄扈山 在縣西北百里

寰宇記

自鹿蹄之山以至玄扈

之山凡九山

水經注

按九山謂鹿蹄驪舉冢嶺竹山發戶良餘壘尾陽虛玄扈也

黃

帝坐於玄扈之閣

河圖

帝在玄扈閣上與大司馬容光

左右輔周昌等百二十人臨之鳳銜圖至帝前黃玉

為匣署曰黃帝詔司命集帝行錄開之其文可曉

黃帝

錄

帝齋宮中坐玄扈鳳止東閣

帝王世紀

玄扈者石室也

臨洛水今商之上洛南有玄扈山

路史

山在洛水南與

陽虛對峙

縣志

白花嶺

在縣西北百里

縣冊

嶺之西為和尚溝又西為

階峪和尚溝之下為金堆城其西為東西桃坪

縣志

桃

坪在縣西九十里

馬志

魏坡 在縣西二十里

馬志

鈴羊山 在縣西四十里

西安府志

呼雷山 在縣西南五里天雨雷鳴此山聞近故名

西安

府志

藥子嶺 在縣西南二十里與本州分界舊傳唐真人

韋善俊種藥於此其墓尚存

西安府志

松朶山 在縣西南九十里產銀錫舊為州境所攘奸

民匿其中兩不得詰明萬厯中清釐疆界復歸本縣

洞始塞

縣志

鳳凰山

一名馬駿山

在縣南五里秀峙雄展有迴翔之勢俗

又名馬駿山

縣志

龍山 在縣南十里上有浮圖山之東有希夷洞亦名

藏修洞相傳為宋陳搏隱處有石牀石枕遺跡

縣志

中幹山

一名莽嶺

在縣南五十里由冢嶺發脉蜿蜒南繞盡

縣之境高幾與秦嶺埒俗名為莽嶺

縣志

莽嶺在縣南

八十里

縣冊

允山

一名九龍山

在縣東南三十里當故縣之西故名又名

九龍山

縣志

寶山

在縣東南四十里即上洛舊址

縣志

頁山

在縣東南五十里故縣川之水北流經此西折

入洛其下有石青洞今皆積水下徹重泉窅然不可

復窺

縣志

石青洞亦名青綠洞

西安府志

西紅崖

在縣東南五十里又其東為東紅崖

西安府志

兩

山高拔石色盡赤崖之麓有宋阜民錢冶又崖之中

有老君峪相傳老子入函谷嘗過此今石上有青牛

足跡土人廟祀之

縣志

老君峪有路通武關

馬志

三要山 在縣東南六十里南出青草河可通武關東出

即盧氏之孔道北望閼靈皆有捷徑因名三要明設巡

檢於此

縣志

要水出三要山

水經注

山之相近者有武平崖

縣冊

王喬山

在縣東南百里俗傳仙人王子喬隱此

西安府志

雲顯山

俗名文顯山

在縣東南百里天將雨則山上雲氣顯

然故名

西安府志

俗訛為文顯山山最陡峻登高望之橫

峙天表為邑東障

縣志

熊耳山

在縣東南百二十里

縣志

導洛自熊耳

書經洛

貢

水又東逕熊耳山北

水經注

上雒縣有熊耳山在東北

漢書地理志

山在縣東商號分壤之處洛水至此始大故

禹導洛始此

縣志

按縣境本屬漢上洛地而禹貢所云導洛者實縣東之熊耳也商州亦

有熊耳山人多

誤指辨見商州

唐家坡

在縣東四里

馬志

縣東五里有姚家洞高二丈



深廣五尺相傳為王母仙洞

西安府志

峰陵山 在縣東十里水口之外奇峰聳秀山南二里

有孝感泉

西安府志

茶臼山

一名茶山

在縣東三十里一名茶山

西安府志

山巔石齧

齒齒有臼二三可受水數升口圓底剡受杵處光潔

澤滑相傳為仙人搗茶處

縣志

石家坡

在縣東四十里

縣志

縣東四十里有羅漢洞中

有觀音羅漢塑像石刻皆宋元年號

馬志

大聖山 在縣東八十里山上有龍王廟廟前有聖水

泉懸崖飛瀑旱禱輒應又謂之靈峪泉其水入洛故

洛水經此又名靈峪河

縣志

洛水經其下古神龜負圖

授禹於此

縣志

摩天嶺 在縣東北十五里其山最高又縣東北二十

里為鑽天嶺在常水川北其山益高又有桑坪在嶺

東北以地宜桑而名亦謂之勤桑峪

縣志

玉虛洞 在縣東北三十里羅家溝後萬曆十三年有

僧見白兔因發其洞深五里許高二丈餘廣可容千  
餘人燃炬行五十餘步陟一山下見石乳之垂而凝  
者長至丈餘有小如翎孔者薄如蟬翅者散如飛霜  
之著林木者石壁兩傍有諸佛像皆天然而成非粧  
塑所及乳脂積其下或為獅象或為異獸或如柱而  
峙或如塔而有級或如欄杆而玲瓏或如山而蒙雪  
或如僧伽瞑坐三五相對中有水積為池水與石平  
石瓣皆成蓮花頂有一穴不可探旁有二岔幽深不

可入柳州疑造物者之有無此真絕人思議矣

賈志

大谷龍龕山 在縣東北八十里北接秦嶺

寰宇記

秦嶺 在縣東北百里

縣志

附考 上洛縣東北有獲輿山

漢書地理志

獲水南出獲輿山

水經注 今按此山無考

洛水 在縣北五里源出秦嶺東流逕熊耳山入河南

盧氏縣界

縣圖

導洛自熊耳

書經禹貢

謹舉之山洛水出焉

而流注於元扈之水

山海經

洛水出上洛縣謹舉山東

與丹水合又東戶水注之又東得乳水又東會龍餘

之水又東至陽虛山合玄扈之水又東歷清池山傍

合武里水又東門水出焉又東要水入焉又東與獲

水合又東逕熊耳山

水經注

上洛縣有洛水

隋書地理志

洛

水在縣北一里

寰宇記

洛河源出洛水泉在縣西一百

里秦嶺下汨汨東注縣境之山皆生於秦嶺及中幹

而兩山之水皆歸於洛

縣志

洛河出洛水泉屬渭南境

五里入縣境為楊家河又十里為冀家河又東南受

元扈石門諸水計流三百二十里出境

縣冊

詳

地畫岔水

在縣西北百餘里源出渭南界合於洛又

有階峪川源出金堆城逕蔣家溝入洛又有構峪川

南流至保安村入洛

縣圖

竹山之陽丹水出焉東南流

注於洛

山海經

丹水出西北竹山注於洛又戶水北出

發戶山乳水北出良餘山皆南流入洛又龍餘水出

蠱尾之山東流入洛

水經注

按此丹水別為一水非商州之丹水又地畫岔諸水

疑即丹水及戶乳龍餘

諸水然未有明証也

黑潭水

即元  
扈水

在縣西八十里

縣圖

陽虛之山臨於元扈之

水是為洛汭

山海經

元扈之水出於元扈之山蓋山水

兼受其目

水經注

元扈水出元扈山之陰今名黑潭子

東北流入洛其入洛處當陽虛山南

縣志

文峪川

在縣西二十里源出華州之金堆城經書堂

山西入洛

縣冊

石門川

即魚  
難水

在縣北十八里魚難山有撲水崖高五十

丈魚不能過故又曰魚難水經石門入洛

寰宇記

石門

川源出黃龍山合麻坪川水南注於洛

西安府志

石門在

縣北十里石門麻坪二水會流處石山突起中闕一

門高廣各五六丈二水合流其中亦號為龍門

縣志

縣河

即武里水一名里清川一名清池川

在縣南二百步

縣圖

洛水東歷清

池山傍東合武里水其水南出武里山東北流注於

洛

水經注

里清川謂之清池川蓋以水在清池山傍名

也

寰宇記

縣河之上源曰洗馬河在縣西南四十里世

傳樊噲洗馬處曰王病川一名秦王川在縣西南三



十里相傳唐秦王遊此而病故名俗又名黃栢川逕  
火燒寨北入縣河曰大渠川在縣西南十里源出鳳  
凰山逕柳林鋪西入縣河曰小渠川在縣西南五里  
亦出鳳凰山折而西遶呼雷山傍合大渠水入縣河  
迤東又有南川一名乾河源出中幹山逕龍山西入  
縣河又有東川一名拖帶谷河亦出中幹山合東西  
窄口水入縣河又東北入於洛其入洛處曰鍋底潭  
在縣東北五里深不可測

縣冊

沙河 在縣東十五里源出鹿池在縣東南二十里俗

傳昔時月夜見羣鹿飲此故名

西安府志

其水北流經茶

白山入洛

縣志

葦坪河

一名秦峪河

在縣東北源出秦峪西受架路常水東

受桑坪等水合流入洛

縣志

水出秦峪經路家街過鑽

天嶺東南流入於洛

縣冊

故縣川

即要水

在縣東南四十里

西安府志

要水南出三要山

東北逕拒陽城西而東北流入於洛

水經注

拒陽故城在縣東南

源出三要山源遠水濶東流而北折經故縣治因名

又北逕頁山下繞迴西北入於洛

縣志

文峪河 在縣東北源出中脉嶺南逕北注川入洛

縣志

自扇車峪入縣界遶梁頭原入洛

縣志

按此與出金城之文峪川

源流不同當別為一水

靈泉水 在縣東南百二十里鄉民祈雨有應

西安府志

靈

峪口有石泉如缶泉水上湧噴濺如珠其流入洛

縣志

西峪河 在縣東百二十里源出盧靈關經黃龕南流

八洛

縣志

八里乾澗水

在縣東南百二十里水自莽嶺北流伏

行地中八里至雲顯山復出東北流入於洛

西安府志

仰天池

在縣東南百里

西安府志

黑馬池

在縣東六十里

西安府志

真人溝

在縣東南百里

西安府志

銀洞溝

在縣東北五里

西安府志

每天爽氣清溝吐白氣

如練

縣志

五眼泉

在縣東二十里泉有五竇四時不涸

西安府志

附考

洛水又東門水出焉爾雅所謂洛別為波也

獲

水南出獲輿山俗謂之備水東北逕獲輿川世名為

却川東北流注於洛

水經注

按禹貢雖旨門水東

北歷陽華山又東北至靈寶縣

入河今縣境洛水無分流入他境者門水殊無可考又獲水疑即乾澗水然亦無可考

### 山陽縣

蓮花山

在縣北五里縣主山也

縣志

形如蓮瓣蜿蜒起

伏而西昂一首曰蒼龍山又曰豐山

縣志

玄武山 在縣城北山形似龜上有真武祠

西安府志

混元

洞在縣城北明成化間頗加增修康熙三十三年邑令秦凝奎增鑿東西龕洞三又建閣三間為講學之地又琉瑤洞在縣城西北山腰歲久石路崩潰不可攀陟又洋蘆洞在琉瑤洞西洞前後二層前深二丈後近一丈又黃龍洞在縣西里許尖山寨嘗天朗氣清忽湧濁水竟日而止有石碗木筯隨水出數十年一見洞有雲則雨一名靈雨山又相近有羅漢洞在

永安寺後

縣志

南原

房家原

俱在縣南一里

西安府志

南原一名小庵

原

馬志

龍首山

在縣東南脉自翠屏山來望之如龍首翠屏

山在縣南三里又縣東南十里有鳳凰原

西安府志

龍首

山在翠屏山東北山下有泉入豐河又翠屏山與學

宮相對勢如屏列有大悲洞昔人題額尚存又山之

陰有湘子洞内有石竇四時不涸分前後門一門東

向一門西向又名鍾馗洞又有筆架山稍低小又有

丘形如聚米名聚米丘

縣志

苦竹原 在縣北二十里

馬志

高礪山 在縣北五十里鑿石如門險塞可守即州南

之高礪山也

縣冊按馬志有石門在縣北四十里亦即此也

仙人龕 在縣西北五里相傳仙人呂洞賓韓湘子遊

北宋邵康節僑寓旬月龕有勒石

縣志

梅峰山 回龍山 俱在縣西五里

西安府志



鳴馬山 在縣西十里

寰宇記

桐峪 在縣西二十里峪口有凉水泉

西安府志

銅洞在縣

西三十里

縣志

白雲洞

馬志作華犁洞

在縣西四十里

西安府志

安禪嶺

禪一作善

在縣西五十里道通鎮安

縣志

鷄子嶺 在縣西六十里其相近有鎗鋒崖又有滂峪

西安

府志

楸峪 在縣西七十里

西安府志

九里坪在縣西七十里又有

說法洞在坪西南

縣志

象山 獅山

並在縣西八十里扈家原南北對峙金

水從中流出

縣志

縣西八十里有馬家山

馬志

殺虎嶺

一作沙狐嶺

在縣西九十里山高路險綿亘二十餘

里昔有勇士殺虎於此

西安府志

沙狐嶺綿亘若長城高

入雲端

縣志

按殺虎嶺即沙狐嶺蓋以音近而訛也

竹四

在縣西九十里

馬志

行者洞在縣西九十里

縣志

上高山

下高山

俱在縣西百里連附巖嶺

縣志

魚臺山 在縣西百二十里西接鎮安南接湖廣界其

相近有獅子凹

縣冊

三鳳山 在縣西百三十里中凡七十二洞內有堯山洞神女洞白龍祖師洞又有仙人崖蒼壁數百仞壁間曾有人錘鑿樵者見之呼曰爾仙人耶其人即化

為石

縣志

文壁山

在縣西南五里

西安府志

饅頭山

在縣西南二十里山有仙羊洞常有水昔有

人於此得道飛昇傳云即葛洪也去入羅浮山

西安府志

舍峪嶺 在縣西南五十里上有泰山廟又縣西南七

十里有土地嶺

縣志

大山 在縣西南九十里又相近有葦園坡

西安府志

大山

峰巒高聳甲於諸山其西有惠家洞前後有門門高

五丈寬十餘丈可容三四十家東有楊仙洞一名楊

善洞昔人避寇處

縣志

劍架嶺 在縣西南百里

縣志

七里硤 在縣西南百餘里山槐南東西兩山壁立相

向如揖不交合者僅尺餘仰望青天如一綫非亭午

不見日其中一溪南瀉水聲如雷

縣志

白石崖在縣西

南百二十里

馬志

五峰山 在縣南二十里山有五峰相傳為宋時屯兵

處

西安府志

黃毛山 在縣南九十里

西安府志

寬坪在縣南百里

馬志

嶢白山

嶢父平聲

在縣南百十里

西安府志

蘇峪 在縣東南五十里又鵲嶺在縣東南六十里高

峻勢如鵲起

西安府志

鵲嶺自高八店南六十里道通漫

川豐陽關石磴盤紆號為崎險

縣志

擂鼓臺山 在縣東南七十里由高八店折而南孤峰

聳出於諸山中

縣志

天柱山

一名牛山一名天竺山

在縣東南八十里

縣圖

上津縣有天

柱山

隋書地理志縣今屬湖北鄖西界

天柱山一名牛山在上津

縣北五十里

寰宇記

上津天柱山絕巖壁立秀出衆嶺

有穴名遊仙洞洞口有竹數莖寒風凜然人不敢入

段咸式  
名山記

天柱山在山陽壁立萬仞上有池

潛確  
類書

宋邵

雍向商守給戶帖居此有詩云一簇烟嵐鎖亂雲孤

高天柱好棲真又有青石峽在縣東南九十里

馬志天

柱山一名天竺山唐羅公遠宋邵康節皆隱於此

西安

府志相傳呂洞賓曾居此山山有摘星巖摩天巖淨瓶

峰雷神洞昔趙知微有道術中秋積陰不解知微曰

可登天柱峰翫月及登月色如畫下山則風雨如故

縣志 按天柱山有因故  
上津謂在鄖西境者誤

香爐山 在縣東南百里其相近又有老山坡

西安府志 王

先生坪在縣東南百十里其相近有小龕在兩岔口

縣志

土地嶺 在縣東南百二十里嶺下即漫川其相近有

大龕樓閣亭院甲於山陽又有藏經洞又去藏經洞

二里有興隆洞亦名西洞又去藏經洞三里有千佛

洞朝陽洞又有龍眼洞在山槐境前後有門可容三



四十家欲登者用數丈梯始得入

縣志

櫻桃凹在縣東

南百二十里

馬志

任嶺在縣東南百三十里與湖廣上津接界

縣志

湘子洞

在縣東七里近乾溝亦名湘子洞

縣志

圈嶺

圈一作卷

在縣東二十里山連南北水派東西

縣志

按地形

志豐陽縣有圈地疑即此

雙峰山

一名雙乳山

在縣東三十里兩峰相對其狀似乳舊

又名雙乳山其相近有截峪

西安府志

山在官道南其相

近有南家埵

縣志

將臺山 在縣東四十里高八店又龍頭嶺在高八店

東北三里許

縣志

洛峪在縣東五十里

西安府志

孤山 在縣東六十里官道南四圍坦平孤峰獨聳

西安

府志 其相近有鳳凰山在中村西有火燭山在中村南

土石皆赤

縣志

乾石峽 在縣東七十里

馬志

其相近有捷峪又縣東七

十五里有申家埵

縣志

天臺山 在縣東八十里盛產梅每遇花開山如綴玉

西安府志

核桃坪 在縣東百五十里

馬志

華皮原 在縣東二百里

西安府志

與商南接界其相近有

碾子坪

縣志

光照山 在縣東二百十里其山向陽故名

西安府志

與湖

廣鄖西接界

縣志

韓墓原 在縣東北八十里與商州接界

西安府志

魚洞 在縣東北百三十里

西安府志

嘉魚穴在上津縣東

北百五十里穴口濶三尺常有水

寰宇記 按上津舊縣在縣東南則

嘉魚穴疑

即魚洞

附考青鳳山在縣西南二百六十里又豐陽山在縣南

二百五十里又鬼嶺在縣南二百七十里

寰宇記 按三山今

俱無考疑當屬鄆西境

葛山在馬頭山南

西安府志 按葛山在縣西則葛山亦應

在縣西疑當因葛洪仙蹟而名然無可考

金井河

即甲水甲一作夾一名合河又名金津河

在縣西南七十里自鎮安

界流入又東南入湖廣鄖西界縣圖上洛甲水東南至

錫入沔

漢書地理志上洛今屬商州錫縣今屬鄖西白河界

甲水自逕金井

城南又東逕上庸郡北與關柎水合又東南逕魏興

郡之洵陽南又東右入漢水

水經注魏上庸郡豐治豐陽屬今縣境

陽縣有甲水

隋書地理志陽故城在縣南

甲河以甲於諸水在

縣西百二十里南流入漢或以方向名舊云夾河非

是馬志金井河一名金津河

西安府志

自鎮安柴家庄東來

合花水諸河至董家溝合於豐水

縣志

合河以衆水所

會而名又東南流逕縣南百二十里南入湖廣舊上

津縣境共計流三百八十里至甲河關入漢

州冊

姬家河 在縣西百二十里與魚臺山不遠西接鎮安

界又葛河亦在縣西百二十里其水俱入金井河

縣冊

花水河 在縣西南百里自鎮安境白石崖東來流入

合河

縣冊

金花交會於城西八十里至乾溝交會因名

合河

縣志

牛耳川

在縣西六十里

西安府志

源出太伯山流入金井

河

縣冊

色河

即關柎水一名平陽水今名安武水又名下關柎河

在縣西三十里自商州

來南流與豐水合

西安府志

關柎水自青泥西山南經陽

亭聚西俗謂之平陽水南合豐鄉川水又南入上津

注甲水

水經注相合在縣境

按陽亭聚在今縣北今二水處亦舊屬上津地也

色河

源自秦嶺流入豐陽河

馬志

關柎色河其上源曰安武

水又名下關柎河出會劉嶺之水經苦竹原土橋子

仙人龕西流至石碓合於豐水又至縣西南六十里

有馬峽灘甚險峻又有櫟峪水東南流至縣西三十

里入色河

縣志

縣河

即豐陽川一名豐鄉川又名豐河亦名合河

在縣城南即豐鄉川也

縣圖

豐陽川水出弘農豐鄉東山西南流經豐鄉故城南

又西南合關柎水

水經注豐鄉即豐陽

縣河發源於縣東二

十里卷嶺之乾溝逆流而西至石碓又西至巖灣子

折而南至秤鈎灣合安武水又折而東南西合色河

至豐陽關之黎家灣又西至甲河關入漢又有桐峪



水自商州黑山寺南來至桐峪店入豐水

縣志

西河在

縣西三里

西安府志

箭河 在縣南百十里流至黎家灣入合河又有山槐

水入蓮花池東會箭河入合河又有青崖河在縣東

南百二十里源出青石溝流至黎家灣入於合河

縣志

南水河 在縣東南百里發源白崖其流入漢

西安府志

漫川 在縣東南百二十里

西安府志

源出鵲嶺溝經兩岔

口姚家灣漫川關至沙溝鋪入漢

縣志

隋置縣以此川

名

縣冊

龍洞川

罩川

俱在縣東南百二十里

西安府志

接鄖西界

縣冊

丹水

一名兩河

在縣東百五十里與商南接界自州東入縣

境至竹林關與銀花水合又銀花河在縣東八十里

源出圈嶺東流入兩河

西安府志

兩河即州河之丹水也

東路高八店水東流入銀花河又東受中村河至竹

林關入丹江

縣志

詳

見圖考

不溢池 在太初庵旱不涸雨不溢又玉井池在縣西

南南庵門外又浴龍池在縣南門外

西安府志

仰天池 在縣北十里內多蓮花香聞數里

西安府志

龍泉 在縣南三里

西安府志

暖水泉 在縣東南百二十里冬夏常溫

西安府志

天鑑泉 在縣東北

縣志

舜子均封商生九子卒葬東北

山之麓原下平疇中二泉湧出秋冬不涸

縣志

附考 上留交水在縣西三里南流入皮谷水

寰宇記 縣有

勤王河一名救王河以惠指揮勤王於此又有龍馬

池以昔有神馬飲水而名

縣志 按諸水今俱無考  
疑留交水即色河皮谷水

即金井  
河也

### 商南縣

龍山 在縣東北一里與虎山對峙蜿蜒高聳狀如龍

蟠  
西安府志

虎山 在縣西一里蹲踞如虎

馬志

商洛山 在縣南一里

賈志

界嶺 在縣北二十里嶺勢雄壯登眺甚遠

西安府志

千丈山 在縣西北五十里接雒南界

西安府志

寡山 在縣西三里其相近有雞公峪

西安府志

索峪在縣

西七里

馬志

分水嶺 在縣西十里嶺有水東西分流故名

西安府志

四條嶺 在縣西五十里南自清油河入嶺登降凡四

險巖陡峻西至武關三十里其嶺與商州接界

縣冊

雙廟嶺 在縣南二十五里上有雙廟

西安府志

吐霧山 在縣南七十里其山高峻將雨則有霧起故

名  
雍勝略

大嶺 在縣南八十里為楚豫錯壤其東南有木家凹

縣冊

青山 在縣東南四十里道通荆襄又筆峰山在青山

之右壁立萬仞形銳如筆為縣治案山  
西安府志 發脉於

角山疊嶂層巒望之甚秀  
縣志

龍王山 在縣東二里  
西安府志

魚難山 在縣東八十里山下有水崖高數十丈魚不

得過故名

賈志

與河南浙川接界

縣冊

角山 在縣東北四十里發脉於終南連乎秦嶺雙峰  
峻聳如笋漢角里先生隱處故名其相近有四山四

縣冊

丹水

今名兩河水

在縣西四十里

縣圖

丹水即今之兩河水也

自州境來逕縣西南一百里曰上兩河合銀花河水  
又東復逕縣南四十里曰下兩河與沭河商河合又

東南入浙川界

州志

自縣西雷家洞入境逕呂家灣受

武闔河又受清油河水又逕縣西九十里魏家灣折

而南流至徐家店受縣河水又至梳洗樓去縣南一

百里又折而東出境入浙川界計流本境二百二十

里

州志

師婆潭在縣西南五十里不靜潭在縣南九十

里近梳洗樓即丹水下流

西安府志  
詳見圖考

清油河

在縣西三十里

西安府志

源出雒南花獐坪自西

北入境納武闔以東之水南流逕縣西至魏家灣共



計流七十里入丹水

州冊

沐河

一名縣河

在縣東門外源出縣東北西南流入兩河

縣圖

沐河即縣河發源於盧氏之界嶺南流五十里入境  
又逕縣西南流四十里至徐家店入丹水又有寶於  
河俗訛為保子河在縣南十里發源於濕地流入縣  
河又有索峪河在縣西七里源出縣西北馬家崖流

三十里入縣河

州冊

商河

一名囚河

在縣西南八十里或訛為囚河東流入兩河

西安  
府志

湘河

在縣西南百里蒗河在縣西南百四十里

西安  
府志

湘河源出商州范家山入縣境流九十里入丹水又

蒗河源出縣西南索家溝之龍潭流五十里入湘河

縣  
冊

滔河

在縣西南百七十里發源鄖陽自縣西南入境

逕大竹園又經秦家漫東流一百五十里入浙川界

州  
冊

上扶川 在縣南百里中扶川在縣南百五十里下扶

川在縣南二百里

西安府志

富水河 在縣東二十五里亦發源盧氏之界嶺自東

北入境南流至富水關六十里又東流三十里入於

河南浙川之淇河

州冊

龍潭 在縣西五十里石上一潭傍流不入其深莫測

州冊

史家潭 在縣南十里

西安府志

花子潭

子一作字又  
名風雨雷潭

在縣西南百三十里

西安府志

有三潭

相連俱在石上每潭周十餘丈兩傍懸崖下瞰形勢

險惡亦名風雨雷潭俗傳至其地者稍不敬其中即

雷聲隱隱潭水隨溢

縣志

三角池

在縣南十五里其形三角中多魚鱉

西安府志

五娘溝

娘一作狼

在縣西北三里又捉馬溝在縣西十里又

鞦韆溝石槽溝俱在縣西四十里又馬槽溝在縣東

北五里

西安府志

南龍庄泉 在縣北三十里石嶺上周數丈每天欲雨

泉必起霧旱禱多應

州冊

### 同州

商原

即商顏一名許原許一作許又名高原又名鐵鑛山又名長虹嶺

在州北二十五

里

西安府志

水經注云洛水南經商原西俗所謂許原

寰宇

記

馮翊有商原所謂商顏

通典故城即今治

馮翊許原一名長

虹嶺又名鐵鑛山西盡州境絕於雒東經朝邑絕於

河延袤八十餘里

賈志

許原一名高原其地寬平自蒲

城連朝邑界近沮水之澣又名澣原

雍勝畧見朝邑縣亦

黃堆山 在州西廣德元年党項寇同州郭子儀敗之

於黃堆山即此

州冊

沙苑

一名沙阜又名沙澤又名沙海

在州南十二里一名沙阜東西八

十里南北三十里後魏大統三年周太祖與高歡戰

於沙苑大破之人栽一樹以表其功今樹往往猶存

元和志

唐置沙苑監在馮翊朝邑兩縣界唐末廢周顯

德二年於苑內牧馬在州南二十五里

寰宇記

沙苑在

州南雒渭之間亦名沙海亦名沙澤其中坳起者曰沙阜東跨朝邑西至渭南南連華州其沙隨風流徙不可耕植唐置沙苑監宋初置牧龍坊今為馬坊里明初為郭駙馬草地隆慶間有司議加賦民控於朝得免近時居民芟牧其中多樹果蓀佳於他產

州志亦

見朝邑縣

洛水

在州西南五里

州冊

自澄城蒲城界來南逕商原

又逕州南沙阜北東入朝邑界

禹貢雖指詳見圖考

渭水 在州南三十五里自渭南華州界流入又東入

朝邑華陰界

州冊

渭水東經平舒城北水之陽即懷德

縣界

水經注  
屬華陰漢懷德縣今屬朝邑

詳見圖考平舒城今

赤岸澤

在州西南

縣圖

貞觀中自京師東赤岸澤移馬

牧於秦渭

元和志

澤在長安東北馮翊西南道里適中

之地今湮

縣冊

白馬池

在州西南三十里

西安府志

清池

在州西南四十里周二里池水漣漪可愛其相



近有蓮花池周五里舊多蓮今漸堙廢

西安府志

泉井 在州學前南城下有三穴又東門井在城東門

外又西門井在城西門外城中井水鹹苦民多汲此

西安府志

牛存節為鄜州留後朱友謙叛附於晉與岐兵

合圍日久同州水鹹而無井欲以渴疲之存節禱而

擇地鑿井八十皆甘可食友謙卒不能下

五代史牛存節傳

鑪山七泉 俱在州北鑪山之麓曰西渠泉又西曰坡

底泉又西曰漢村泉義井泉新莊泉馮村泉平王寨

泉

州志

紅善泉

在州西南四十里又州西南五十里有蘇村

泉又稍西有北庄泉

西安府志

九龍泉

一名九龍池又名鵝鴨池

在州南八里沙苑

州冊

泉有九穴同

為一注因名九龍今謂之鵝鴨池

寰宇記

九泉同流州

所由得名也鍾而為池名九龍池廣袤五頃今漸堙

廢

州志

附考同州有洱泉

郡縣志按洱音耳泉無考

朝邑縣

華原山

即彊梁原一名朝坂

在縣西門外又紫陽山在縣西南三

里有靈應觀

賈志

朝邑縣有朝坂

隋書地理志

朝邑縣以北

據朝坂名

元和志

水經注云洛水東南歷彊梁原俗謂

之朝坂

寰宇記

華原繞縣西而北以絕於河古河堧也

一名朝坂亦謂之華原山

同州志

邑人劉星柱云有人

於地中得古碑乃華原也世稱華原疑誤又紫陽山接華原西折而入於同州幾二十里蓋即華原之傑

出者

縣志

鐵鐮山

即許原一名長虹嶺

在縣北四十里西接州境東絕於河

即許原也又名長虹嶺

縣志

詳

沙苑

一名沙阜

在縣西南二十五里

縣圖

沙苑一名沙阜其阜

東西八十里南北三十里

寰宇記

在洛渭之間東起縣

界西跨同州至於渭南在縣境者三十里

縣志

詳

黃河在縣東七里自郃陽界流入與山西蒲州接界

又南入華陰界

縣志

朝邑縣有黃河

金史地理志

自龍門而

來歷韓城郃陽經本縣臨晉關轉經潼關界

雍勝略

黃

河舊自郃陽入朝邑東境南至大慶關東濱蒲州城

故曰蒲津禹貢所謂西河也南至金龍渡為河與洛

渭交匯之處世稱三河口去縣東南三十里

州志

自明

成化中洛水崩於河河之害十倍於前隆慶三年浸

縣東門萬歷六年浸太陽諸聚落七年越大慶關浸

涇西出喬家灘三徙兩陽村浸其半至十二年三河

口亦在洪流中矣

縣志

見圖考

詳

金水河

即洛水

在縣北五十里苦泉東北五里自郃陽界

南流六十餘里入縣界又東流逕沔峪鎮入於河

縣志

詳見

郃陽縣

洛水

在縣南五里自本州界流入又東南入河

縣志

水舊流自縣南之趙渡鎮逕華陰西北葫蘆灘入渭

明成化中洛水改流東過趙渡鎮南徑趨於河不復

入渭矣

縣志  
詳見圖考

渭水

在縣南四十里自同州界來又東至華陰界入

河縣渭水又東逕長城北又東至華陰界水經注朝邑

縣有渭水金史地理志

詳見圖考

小鹽池

在縣西北十五里

縣志

縣有小池有鹽

唐書地理志

在苦泉南二十里鍾水一區旱時可煮水成鹽今不

恒有

西安府志

太白池

在縣西南四十里周十里洞然深黑常有雲

氣

西安府志

池多蓮開時遊覽不絕又北五里有麻子池

旱則竭潦則溢又西北有蓮花池近為風沙所沒

縣志

馬園井 在城內西南隅其水甘美他井不及邑人賴

以汲飲

西安府志

鐘山五泉 大奇泉在縣西北又西為象底泉又西為

蔡庄泉

西安府志

苦泉在縣西北三十里許其水鹹苦羊

飲之肥今於泉側置羊牧故諺云苦泉羊落水漿

元和

志苦泉亦名雙泉今皆為民田

縣志

郃陽縣

梁山 在縣西北四十里東西橫亘逶迤最遠望之如



屋梁

雍勝畧

徐水出西北梁山

水經注

山上有石室羅漢

洞有泉曰天井曰龍泉曰聖水泉禱雨輒應又有東

西峪洽河橋頭河二水出焉山與韓城縣接界

縣志詳

見韓城縣

方山 在縣北四十里形如覆斗

西安府志

太樂仙人洞 在縣西北三十里洽水北

縣志

丹陽洞

一名老君洞

在縣西二里或謂之老君洞洞口多欵

冬花俗傳為仙植

縣志

仙公原 在縣西南五十里相傳為漢楊寶辟穀於此

賈志

乳羅山

一作芋蘿山

在縣南三十里俗訛為芋蘿山有洞亦

訛為西施洞

縣冊

相傳有人過此山拾一卵青色置箱

中後化為蛇名曰乳羅故山名因之

西安府志

上有筆架

峰邑進士仵魁倡衆築墩排列儼若筆架

縣志

飛浮山

一名非山

在縣東南四十里

縣圖

郃陽有非山

金史地理志

地

山在黃河中俗傳與河水為升降上有子夏石室

雍勝

略

翊教洞

在縣東北三十里百良河側

縣志

黃河 在縣東四十里自韓城界流入與山西臨晉縣

分界又南入朝邑界

縣志

河水自合陶渠水又南徐水

注之又南逕子夏石室又南過汾陰縣西又逕郃陽

城東又南漢水入焉又南逕陶城西

水經注圖考汾陰

詳見今屬

榮河縣陶城

今屬臨晉縣

百良河

在縣東北三十里東南流入黃河

縣志

橋頭河

即徐水又  
名腰帶水

在縣北十五里

西安府志

徐水出西北梁

山東南流逕漢武帝登仙宮東東南流絕彊梁石逕

劉仲城北又東南逕子夏陵北東入河

水經注

橋頭河

源出梁山東峪逕城東北入河即徐水也順治中邑

人雷學謙引水西流環城而東如圍帶又名腰帶水

縣志

金水河

即洽水一名漢水

在縣西北三十里又東南入朝邑界

縣圖

在洽之陽

詩經大雅

洽水名在今同州郃陽縣今流已

絕故去水而加邑

朱應劭

曰縣在郃水之陽

漢書地理志

城北有北瀼水南去二水各數里其水東逕其城內東入於河又城南側中有瀼水東南出城注於河城南又有瀼水東流注於河即郃水也縣取名焉

水經注

按中瀼水蒲地瀼水與南瀼水俱在舊河西縣南五里今郃陽縣界

元和志

河西故城在縣東南

瀼水總發源黃河西

岸平地

寰宇記

洽河源出梁山西峪東流注於黃河漢

永平間流絕今有乾河村其後復流邑人重之呼為

金水

雍勝畧

世傳宋太祖遊關西經此得疾夜夢金甲

神人以金盃酌水飲之而愈遂呼為金水

西安府志

縣有

王村漢鯉漢東鯉漢渤池漢夏陽漢葉夢熊曰郃之

為漢泉者五去河僅數武湧出地尺許清冽迥異

縣志

大峪河 在縣西二十里與澄城接界其流甚清西南

入於洛

賈志

陽班湫

即剗首水又名湫谷水

在縣東南五十里

縣志

文公七年秦

敗晉於令狐至於剗首

左傳

郃陽有剗首水

通典

郃陽縣

有陽班湫貞元四年堰洿谷水成

唐書地理志

漢水與剗

首水相近

寰宇記

朝邑東北有剗谷鎮以近剗谷口而

名

朝邑志

官池 在縣治南近城

縣志

鴈尾溝 在縣西二十里

西安府志

溢井 在縣西南二十里井溢寨寨有智井明嘉靖二

十年忽溢突於平地自下而上三百尺許蓋亦漢水

之旁出者

縣志

白泉 溫泉 灰泉 俱在縣東南四十里夏陽村今

沒於河

縣志

澄城縣

社公山

在縣北五十里有社公社母廟

縣志

將軍山

在縣北六十里上有秦武安君白起廟山南

有村曰社田相傳為起食邑居民有白姓者或其苗

裔歟

縣志

界頭山

在縣北七十里接洛川界

縣志



石樓山 在縣北七十里山形如樓其相近有栢谷舊

多栢

西安府志

壺梯山 在縣西北五十里雲霧集輒雨

西安府志

縣西北

五十里有雲門谷谷口若門水氣如雲故名

雍勝畧

石門山 在縣西北七十五里

縣圖

其麓有風洞一名風

谷其深叵測天將風洞中先有聲響振巖谷風欲息

則其響如初又相近有麻林陂山又有紅羅谷土色

多紅故名

西安府志

金沙谷

一名金溪

在縣西三里相傳佛圖澄遊息於此

西安府志

一名金溪

縣志

伏鳳山

在縣西二十里

西安府志

臨高原

在縣南五十里

縣志

李忠襄公顯忠初仕金知

同州以計執金撒離喝密圖南歸後由漢村經臨高

原奔夏

宋名臣言行錄

原有泉曰龍泉味甘如醴隋文帝在

同州每取致焉

西安府志

武帝山

在縣東北七十里

西安府志

相傳漢武帝遊梁山

經此土人立廟祀之

縣志

洛水 在縣西二十里自白水界來又東南入蒲城界

禹貢  
雖指

武帝時穿渠自徵引洛水至商顏下

漢書溝  
洫志

洛

即漆沮水徵即澄城也

顏師  
古注

洛水自白水入縣西北

隅南受玉泉水又南受長寧河蓋雲門紅羅二谷水  
所會也又南受縣西河則甘泉隋公泉澍泉洗腸泉  
擲鎗泉諸水所會又東南有撲地河即郃之大峪水

自東北南流西受龍泉水同入於洛

縣志  
見圖考

詳

玉泉水 在縣西北五十里老樹偃仰怪石巉巖泉隨崖下瑩潔如玉隆冬水芹夾岸不啻春夏泉下又有蔬圃藥畦引流灌溉元西臺御史潘汝訪來遊有詩

縣志

長寧河

一名三娘子川

在縣西北四十里即雲門紅羅二谷水

之所會也以流逕長寧城故名長寧河西南流入於

洛

西安府志

雲門谷水源出澄城縣界

寰宇記

三娘子川在

縣西北三十里源出宜君界麻林坡溝底會雲門紅

羅二水入長寧河又有陰泉水在縣西北三十里泉

自崖陰出味極甘冽東南流入長寧河

縣冊

縣西河

即酒泉一名甘泉

在縣西北四十里

縣圖

王巡號守號公

為王宮於玆王與之酒泉

左傳

酒泉周邑今同州有甘

泉出匱谷中造酒尤美名酒泉

杜注

甘泉水出匱谷其

水甘美堪造酒

寰宇記

甘泉水俗名縣西河會縣西諸

泉入於洛又隋公泉在縣西北三里許其水清澈可

愛東南流入甘泉水

縣志

隋文帝避暑時宮娃浴此故

名

西安府志

澄泉水

澄一作激  
又名官泉

在縣西三里縣以此名源出大慶里

西莊澗中

雍勝略

源潔流清釀酒香美人多用之會甘

泉入洛

雍大記

在三里澗中又名官泉

縣志

洗腸泉水

在縣西三里相傳晉高僧佛圖澄洗腸於

此

名山記

在三里澗南百餘步金沙谷下油膩如星浮

水面旱禱有應

縣志

擲槍泉水

在縣南三里相傳漢光武北征時擲槍得

泉故名

潛確類書

大峪河

一名撲地河又名李家河俗名薄底河

在縣東二十里源出界頭

山與邵陽分界至蒲城入洛亦名撲地河俗訛為薄

底河又謂之李家河

縣冊

溢池

在縣西北七十里注而不溢故名

西安府志

芳泉

在城中邑舊無水遠汲三里澗中弘治間知縣

徐政即預備倉鑿一井深三百六十尺命曰芳泉又

徐公井亦在城中嘉靖丙午知縣徐效賢擇隙地鑿

四井邑人取汲稱便號徐公井又有雙泉嘉靖庚戌知縣教佐因城中水鹹即社稷壇鑿二井其水清甘

縣志

溫泉

一名帝  
譽泉

在縣東北十五里

西安府志

泉有三源奇川瀉

注西注於洛又曰帝譽溫泉

寰宇記

三源並出將軍山

麓合為一流中隔土嶺一里鑿引達縣可以利民或

疑即古之溫泉然非入洛之水也

縣志

韓城縣



梁山

在縣西北九十里

禹貢錐指

治梁及岐

書經禹貢

梁山在雍

州

孔傳

奕奕梁山維禹甸之

詩經大雅

梁山韓之鎮也今在

同州韓城縣

朱傳

成公五年梁山崩

春秋

梁山河上山

公羊

傳

梁山崩壅過河三日不流

穀梁傳

禹貢梁山在左馮

翊夏陽縣西北

漢書地理志

夏陽故城在今縣南

山在夏陽縣西臨

於河上

魏土地記

河水又南逕梁山原原自山東南出河

晉之望也

水經注

關內道名山曰梁山

唐十道志

韓城縣有

梁山

唐書地理志

大梁山在韓城縣西五里又有小梁山

寰宇記 按雍錄云梁山在雍州見於詩書者凡兩  
出禹貢治梁及歧北梁山在韓城縣詩所云維禹甸  
之者是也太王去邠踰梁山在奉天西非禹貢之梁  
矣奉天梁山距同州治五百里諸家多混合言之誤  
又按梁山延亘甚遠自邠陽西北又迤  
北抵韓城西北之麻線嶺皆梁山也

龍門山

在縣東北六十里

縣志詳見圖考

鳳凰山

在縣北四十里

縣圖

鐙鎡山

在縣北七十里即龍門西山

縣冊

大象山

在縣西北二里出西郭即得山麓濂水南旋

山勢起伏如象之飲於潭

解拙存名勝志

龍門山延亘而南

與之相接

縣志

獅嶺山在象山南形如獅子臨於潭水

躩踞欲動

縣志續

蘇山

在縣西北五里許有漢蘇武墓故以名山古徑

盤曲而上有老栢三百餘柯皆南向其麓多柿樹霜

後滿山紅色可愛

縣志

橫山

在縣西北二十里迤川西北羣峰沓互宅中邃

處為橫山石竒如砌澗底泉聲弄筑振環山有石洞

昔道士郝淨元羽化其中遺書錮碑底為人剽取其

藏書穴丹竈至今俱存

名勝志

文家嶺在縣西北二十

里文水北嶺之南有黃花峪

縣圖

三峽山在縣西北四十里

縣圖

橫溪水出三累山其山

層密三成故俗以三累名山山下水際有二石室蓋

隱者故居又嵒谷側溪西北皆有石室昔子夏教西

河疑即此也

水經注

按嵒谷水經三峽山南則三累山疑即今之三峽山也又橫溪水疑

即今之洹水

栢林洞

在縣西北四十五里又猿山在縣西北五十

里其東北有蝦蟆坎

縣圖

牡丹山 在縣西北六十里多產牡丹開時紅紫滿山

香聞數十里土人采以當薪又有牡丹坪在渚北村

西北亦多牡丹

縣續志

五池山 在縣西北萬峰中為岑凡五深巖邃谷人跡

罕至北池最遠去縣可百二十里西池次之東南池

又次之中池稍近亦且八十里俱有泉俗名海眼山

多松中池尤勝自麓及巔青蔥夾路幽絕人寰舊志

稱為五峙者誤也

縣續志

安國嶺

在縣西北

縣冊

朱砂嶺

在縣西北百十里盤水所出

縣圖

麻線嶺

在縣西北百二十里與雒川縣分界明成化

八年叅議嚴憲鑿山開道以通餉運

縣志亦見洛川縣

神道嶺

在縣西北百二十里與宜川縣接界

縣續志

土嶺

在縣西三十五里

縣圖

牛心峽

在縣西四十五里薛峰鎮西

縣冊

峽勢甚奇其

左怪石巉然兩水匯處急流如橫幅練

名勝志

天鷲頭 在縣西五十五里薛峰鎮西北

縣志

峰不高而

娟秀一川景色盡在望中松樹尤多蔥鬱

名勝志

錦石門 在縣西六十里薛峰鎮南

縣志

老石成圍森然

如楔澗水沄沄野趣甚曠

名勝志

韓原 在縣西南八里

括地志

僖公十五年秦晉戰於韓

原 即所謂少梁也

雍勝畧

高門原

一名馬門原

在縣西南二十里

賈志

司馬靳葬華池孫

昌莖高門

司馬遷自序

陶渠水南逕高門南蓋層阜墮缺

故流東門之稱今高門東去華池三里

水經注

高門原

俗名馬門原在縣西南十八里

括地志

原在芝川西北

梁山之麓有層阜秀出雲表

縣志

巍山 在縣西南四十里孤峰獨聳而最高

縣冊

登巍山

上羣峰皆拱揖山椒無樹老石斑然諺云華山高只

值巍山腰地勢可知矣

名勝志

香山

香一作方

在縣西南五十里以唐白少傅得名俗訛為



方山

縣續志

馬頭山

在縣南十五里形類馬首故名

縣舊志

附考

蘇代曰茂居秦自峭塞至鬼谷皆明知之

史記廿茂傳

韓城縣有鬼谷

隋書地理志按此谷無考

黃河

在縣東十五里自宜川界流入與山西河津滎

河分界又南入郃陽界

縣圖

河水南出龍門口又南右

合暢谷水又南逕梁山原東又南踞谷水注之又南

右合陶渠水昔魏文侯與吳起浮河而下美河山之

固即於此也

水經注

河自龍門而南距郃陽不百里河

堞多客土遇潦輒潰與滎河縣接界即韓信以木罌

渡軍擊魏處

縣志詳見圖考

錯開河

一名治戶川

在縣東北七十里龍門山北有河口略

似龍門而不能通相傳鯨治水時所鑿今名錯開河

縣冊

錯開河由龍門而上六七里曰金門其西有澗曰

治戶川川口頗多鐫跡在昔金門未闢崇伯不諳水

性意欲使河直行東北故失利耳書云鯨陘洪水疑

即謂此也

衛氏地  
圖記

盤水

即暢  
谷水

在縣西北百十里

縣

暢谷水自溪東南流逕

夏陽縣西北東南注於河

水經  
注

盤水源出朱砂嶺歷

縣北相公殿逕馮峰口東過薛曲里煖水自西南入

焉又南過帶村東入於河又縣北二十里盤水之南

有文水一名汀水一名萬泉東流至吳村又至開化

寺前合盤水入於河

縣志

谷水 在縣西北四里源出蘇山東流至留庄入河

縣圖

濠水

即峪谷水

在縣西南一里

縣圖

峪谷水出縣西北梁山東

南流橫溪注之水出三累山細水東流注於峪谷水

東南逕夏陽故城北又東南流入於河

水經注

出自西

山東南流二十二里入黃河

雍勝畧

濠水源出麻線嶺

東流為白馬潭受七水入河

賈志

濠水出麻線嶺東流

過石門離水自南入焉又東過景封峪水自北入焉

又東北過土嶺湫水自西北入焉又東出土門岸高

口窄水勢迅急過邑城西轉而南其勢益激澗水自

西入焉又南過陳村湫水自西入焉又南過馬頭山

潦水自西入焉又南過少梁澮水自西入焉又南合

芝水入於河

縣志

白馬潭在縣西七十里

西安府志

芝水

即陶渠水

在縣西二十三里源出香山

賈志

陶渠水出西

北梁山東南逕漢陽太守殷濟精廬南又南逕高門

南又東南逕華池南又東南逕夏陽縣故城南又歷

高陽宮北又東南逕司馬子長墓北又東南流入河

水經注

芝川河源出方山東南流諸山水自西南來會

踰高家坡濰水自北入焉又東過鉞薛遂水自西南來入焉又東過呂庄沆水自西北來入焉又東過芝

川鎮南司馬祠北同濰水入於河

縣志

芝川在韓城縣

南二十里東流入黃河

雍勝畧

丹陽觀碑漢武帝時得

芝草於此遂稱芝川

縣續志

靈潭

一名青龍潭

在縣西三里峪有潭淵然巉巖之下將雨

則絮絮雲升相傳有龍潛焉山半飛閣巋然松老莓

苔如繡旱禱輒應又名青龍潭

縣續志

銅底井 在縣城東北

西安府志

獨泉 在縣北百二十里

西安府志

石井 在縣西北十里

西安府志

馬杓泉 在縣西十二里源出石罅以形似名

西安府志

天城泉 在縣西四十里天城堡

西安府志

龍泉 在縣南三里濂水之陰龍王座下冬夏澄碧伏

流匯廟前為方池有松偃蓋以湔然出雲為雨候

勝名

志  
歲旱禱雨有應

西安府志


北泉 在縣南芝川鎮西張中丞士佩築北圃自為記

圖畫刻石稱一方名勝

縣續志

河瀆泉 在縣東五里

縣圖



陝西通志卷十二